

春融堂集

和16
890
5





春融堂集卷十二

青浦 王 和 德甫

勞歌集 庚寅

由杉木和赴花橋作

亂山迴合無路通濃雲斷靄含空濛初陽一痕照溪曲忽見
 候館依巖東新年野逕少人迹戍旗影出林梢紅昨聞松颺
 振颿杳更愛竹雪分玲瓏始知瀾滄五更雨已化玉屑來天
 宮念我經時涉炎微要使毒瘴春來空深知清寒沁肺腑何
 啻香水湔心胷月光三昧夙所習流浪豈免塵埃蒙稽首山
 神藐姑射賦此絕景誰能逢幽禽喚客琴筑同下應碧礪泉
 淨琮明晨更躋博南去橫眺西嶽摩高穹

點蒼蒙氏封為西嶽

威寧哨道中

西嶺尚漏斜陽明東巖忽吹雨脚橫白雲堆中黑雲起頃刻
下覆松梢平我與雨師緣已熟巒砦經秋泥沒足先春三日
弄晴暉初上征鞵飛霖霖稍欣碧澗戛琳琅誰識山靈意更
長為憐羈客風塵減畧與梅花助洗妝

博觀察晰齋明至永昌攜樽酒歌伶見過有作

萬唐雲樹渺天涯細柳軍中過使車月底歌仍傳北里燈前

酒已喚西家論交共憶三條燭君丁卯孝廉出阿文勤公門下卜歲還占六

出花前夜猶話石渠故事在細書簪筆傍官鴉

昆明上元

燈輪仍共月輪新走馬香街不動塵箏板參差三閣曲滇池

往往與白下相同蓋沐英就國時多挾南直隸人以去故也煙花縈繞五華春營收白羽

初發甲盤簇青絲恰薦辛莫怪銜杯頻悵望兩番元夕一鞞

人

題升庵先生小像

去歲過先生舊居為詩志感今將北還晰齋先寓書

太和令屠君可堂述謙令攜點蒼山感通寺中所藏

遺像至龍尾關索余題句因復成一律連前作三首

併書於左方庶表生平辦香之願云花朝後三日

寫韻樓高瞰洱河生平玉貌未消磨中朝仕宦羞張桂北地

詩章敵李何才子相門前代少詞臣羈迹異方多省城碧峽

昌明詩臺大理寫韻樓皆先生棲息處畫圖合挂靈均廟添取幽篁帶女蘿

昆明客舍地主招尋置酒連宵偶成絕句不自知其

振觸也

小閣頻開翡翠屏兩牀絲竹響零星傷懷最是王長史月落

燈殘掩淚聽

春江哀鴈久離羣玉椀金釵隔世分又是棠梨寒食近東阡
腸斷魏城君

小小朝雲足斷魂六如亭下近黃昏傷心一念償前債東坡句
多少春衫染淚痕

滇池春漲浣征衣京國分明萬里違誰識燕山亭下路有人
和淚寄當歸

繞梁絕似嘯春鶯裊裊楊絲跪地輕錯認生依神女廟屋梁
初日是芳名楊郎名暹

春風一曲按紅牙羅襪生成眾口誇問姓已堪金屋貯徵名
更合刻茗華陳郎名玉

吳頭楚尾可憐生羈客幽懷未忍明只有江城小龍女也知

淚眼不曾晴杜郎名龍

一串歌珠伴綠樽不會真个也銷魂薩天錫句而今夜兩相思處
只向春衫驗酒痕

宿世生來六欲天陰陽執手亦前緣誰知久證香巖觀一笑
人間十種仙

落拓江湖是牧之舞裊歌管寄愁思縱教書記平安在不奈
燈檠照鬢絲

十隊紅妝勸酒卮織娘媚子總芳時如塵如夢兼如幻合把
風情付偃師

明撫軍德招游近華浦

近山不知山漠漠重雲掩天公未放晴雨脚滿湖崦清游纔
出郭已望蒲帆颭稍開春陰濃遂見初日閃野船銜尾行歌

聲隔葭菼小泊登迴碕平蕪綠如毯空堂署澄碧村樹盡遙
覽此浦接滇池柔波寫澄澹錫名等西湖嘉景詎能貶錢塘
與歷下兩者吾所嫌茲來悅昔游况有深杯釀獨愁馬首東
欲別竟先感不及趁薰風來看千菡萏

浦又名西湖夏
日荷花最盛

黑龍潭

隍山城西隅環抱氣清肅出泉匯為潭云是羣龍族升雲兼
噓霧罟網誰敢觸貝闕媵文魚演衍托卵育堂堂萬千頭煦
沫互沿泐我游等濠梁憑檻送遠日蘋絲合樹影零亂湛深
綠道人雖非魚魚樂在所熟牢九與薄夜隨手散溪隩掉尾
忽駢趨跳波競相逐大魚獨含靈背有金紋感倔強未即前
似知貪餌毒偶來一朵願豈肯計果腹我聞聖王世必重四
靈畜非徒表禎祥實可通嗜欲不知此泉源羣鱗誰服屬昨

者麥初收馱雨尙未沃中丞方步禱排闥奏丹籙會須鞭蛇
涎為我降優渥

龍泉觀

觀祀劉真人淵然與其徒邵以正及羣真像淵然南
宗明洪武間賜號長春真人旁有商輅陳循二碑具
述真人寵遇始末甚備

禪宗判南北道家亦如之偉哉七真教遠暨西南陲長春本
上仙墮謫生却濰淵源在孫馬守一羞神奇流沙三萬里往
作帝者師窮荒角端見去殺不復疑其徒守末法猶能役雲
霓竭來造精舍花藥涵芳滋香煙映遺像逸氣浮階墀方瞳
冰玉顏定是雲水姿翛然超物外珪冕何由淄可堪修廊下
龜石刊文詞鋪張敘世寵詎免真靈墮門前百頃潭蛟龍夜

蠖蛄想見馭風雨來往三山崖古梅五百秋亦與長生期惜
逢春已暮不值花萎蕤森森兩翠栢根脈含清漪何當採其
實服食同隱芝觀前梅二栢四皆四五百年物旁有流泉繞之

鳴鳳山太和宮

朱鳥南交地偏崇北極祠虛危昭法象元武動旌旗袞冕威
靈壯風雷陟降遲松林環翠外金碧耀翠巖宮係巡撫陳用賓建鑄銅為殿簾幙几案皆以銅為之殿右有環翠宮

優曇花為阿廣庭先生賦

年來苦被世味醺交梨火棗何由陳南行萬里飽憂患思借
鼻觀祛塵氛海榴未開婪尾謝忽見數朵揚清芬是非曼陀
非薝蔔曰優鉢曇經所云色如帝青石鉢淨臭比牛首梅檀
熏一枝非從瞿夷乞十笏疑向維摩分人間囊子豈可致來

自印度西南垠竹林精舍柰苑裏想像清蔭依迦文梵天朝
霑鷲嶺雨德水夜潤恒河瀆何年移根其蠻奴熨長驚

芬苒相傳一開閱千載肯與俗豔其來尙未圻
已奪鴛耨兼蘭薰空庭入夜更幽其自足駟腥葦其土

夙世本龍象蹴踏香海蒸香雲邈奈清齋日其方嚴經宴
氣寂然來坐令藕孔窮魔軍奇葩此時恰示現正似阿闍闍

彤雲桃花飯熟可啟悟木樨秋靜堪同聞何況茲花世希有
木樨作種含網縕巴波遺迹儼重見南詔皮盛羅時僧菩提

念瘴鄉流浪違榆枌俱絺羅教夙所欣對此差解憂心焚誓
依蓮幢破結習敢逐柳絮滋紛紜拈花儻許更放下不妨微

笑娛朝曛

曉行

南榮夜雷曉猶懸正是春餘穀雨天紺塢遠銜雙嶺樹翠屏
橫巨半湖煙香風梵唄緣空度松逕茅茨到處連將屆靈山
風景近薄寒吹鬢更慘然

將往雞足山禮大迦葉自雲南驛前抵梁王山宿途
甲卽景成篇畧無詮次

肩輿晚過雲南驛欲向空山覓靈迹問途却指古城東繞郭
民居莽蕭索鳥道千盤落照黃螺峯一角晴嵐碧亞簷檉柳
縷初稊依戶樞桃花半坼嶺覆童童似蓋松陸鋪剌剌纒生
麥豆莢斑時子未成萊臺肥處花堪摘樵逕雲濃暝色低溪
村人靜沆泉激紛紛鳥誰噪柴荆稍稍磨_漚竄阡陌遙聞春
杵響煙中漸有機燈出林隙月暗偏增野路紆風生偶覺詩
寒迫夙世因緣在此行多生誓願知難釋西竺伽黎應尙存
南華香火將安適獨往欣看叩道師孤蹤久分同禪客田衣
筇杖劇蕭閒襖被腰包稱遷謫避席猶煩野老驚掃門重累
候人逆小窗蔬食一迥然盥罷趺跏便終夕

寶川驛館曉行

羣山蒼翠驛樓西已換籃輿更杖藜風轉迦陵隨梵唱花殘
優鉢和香泥山家蕙圃兼蘭圃精舍桃蹊又柳蹊兜率應知
同此勝願從華首問伽黎

渡盒子孔橋本名雪陰橋

薛逕蘿蹊次第尋春山亭午尙微陰石橋三折通孤嶼雲瀑
千重下遠林結侶苦無支許伴遠游真愜向禽心過河更喜
香宮近纔聽鐘音又梵音

白石淙寺至華首門禮大迦葉並游悉壇諸寺讚佛頌

覺海本圓明緣空世界設金輪妙合凝河嶽迺分列域外四
名山雞足居其一假彼五德名喻此雙距植雖非須彌倫實
與靈鷲匹我讀放光部梵筴記詳悉葉榆古夫通故不具典
籍點蒼東蜿蜒高黎南崩劣金沙繞其西洱海帶其北福地
與洞天培塿引蹇劣是為靈奧區羣真共棲息考摩訶迦葉
夙世由金師相與婆陁女發願成菩提經九十一劫紫色光
容儀最後皈瞿曇苦行頭陀持正法得眼藏不在文字為大
哉涅槃心別傳疇能知一笑且放下天花落葳蕤金棺忽上
湧入滅哀歔歔更惟阿逸多次應補佛位授汝金伽黎以俟
慈氏至法寶交手付用以表信智因慶喜多聞未到三摩地

屬其間思修超然世出世演說恒河沙結習俱已既爰相四
部中勝地冠南暨湛然入大定終古巖扉閉伊子愧禱昧夙
稟煙霞心壯歲登仕版風塵長駸駸巨嶽徑其麓徒然歷崎
嶽官程歌執掌名勝遲登臨況此狎犴隔豈遑果幽尋今從
典午職遙抵蘭滄潯裸夷昨納款仲夏行獻琛上舒格鬪苦
下免瘴厲侵皇威讐涅土兵氣消蒼黔是皆慈力被瞻禮
情彌深東皇正司權和暄洽芳甸分途從普湖頗覺風雲變
迴環屈賓川羣峯已葱蒨阡術互橫斜村墟類隱現杉楮蔽
重崖藤蘿翳虛欄本無豺虎藏偶見麀麀竄靜室及茅蓬迨
遞從空獻輿梁躡雪陰兩河遞洞漩厓垠顯豁訝牝穴暗輪
灌漾波出鱗鱗穿沙簇葭蘆豁迴仰華構突兀扁石淙志作鍾
樓臺煥金碧儀象森青紅招邀憩精舍無語契圓通鹿苑自

岑寂幽景彌沖融更移賓榻坐長明照簾櫳宵分聞刁騷天
籟鳴虛空疑是春雨急開軒月朦朧乃知奔溜壯夏響兼杉
松清寒不能寐跣跡待晨鐘虬箭尙丁丁法鼓旋逢逢喃喃
禪誦啟浩浩潮音同閣黎願前導爲我開蒙茸朝霞亦漸明
灑露尙未已籃輿併筇笠不于層巖裏初摩詩石臺再歷崎
人址謂楊奇迹盡堪詫往事屢屈指延緣迦葉堂規模最雄
偉幡幢耀綵楣恩映階庀想見妙莊嚴合與天宮比北望
敞晴窗屏展崇霄峙祖庭在其間迴向並胡跪手足互騰奮
耳目駭聽視蘭陀鬱崔嵬銅瓦轉也邇將從狢猱升危梯斷
徙倚四峯觀峇峇盤旋到金頂浩蕩入鴻濛清空絕溟滓山
深高更寒寺古堅而整積雪春未消斑駁漬苔鼎雲路近九
重煙光納萬頃遠眺月竈西雪山露微景縹緲黃金塔日力

無由騁至此塵根窮一氣化孤迥再仰華首門萬仞類摺珽
誰倩巨靈掌剜出雙扉並棖闌儼分明棖桷極巖靚上臨觀
自在石像出形影下爲受記泉滴瀝蓄清洞方祈作道場工
巧神鬼逞是惟梅咀利說法兜率天修習唯心識遇實俱成
圓恒闢內外院三災何繇緣香雲華鬘雲樓閣重重懸天龍
八部等合沓歸陶甄妙因得未曾果位昭絃縈苾芻告靈
法力殊無邊西南五天竺萬里窮坤孺僧號宗喀巴調御劫
所沿班禪皆達賴其徒各萬千是爲大寶王供養陳嘉筵自
然船陀石竟博百丈平如矢復如砥絕少蒼蕪纏黃帽駢繭
至膜拜取精虔醞醑雜酥酪鐵鼓參鈴絃旋繞亦跳舞每歲
期無愆如是不思議廣大更圓滿聞言還作禮徐退復游行
日斜窳堵波歸禽漸催晚微步至華嚴香廚飽一飯齏鹽倒

瓶盃筍蕨飢盤椀嵐翠欲霑衣壇燈忽照眼賈勇過悉壇雄
傑推首選松龕圖發身十光五采散依然三十二好相映丹
巘衰衷不忍去聞鐘乃思返鬢髮雀母飛傀儡獅王偃煙暝
囂哀猿塢深嗾獐犬發願何寺僧經聲遠可辨天空星河希
夜久香絲斷曉陟藏經樓飛欄對峯巒三藏十二部迦文聖
教作罡風偶震盪大地響鈴鐸初枕次第登經廚煥丹履或
爲世主請或令羣生學時地閒不同妙義並展拓試諷陀羅
尼藕孔修羅愕龍樹得其詳鳩摩志其畧元奘之所搜澄觀
之所約華藏清淨海般若恣包絡緇譯起魏晉唐宋更宏博
蠻荒萬里陬高僧乃棲託旁行四句書十年共槃礴時時散
天花往往奏天樂功德豈可思此游彌踴躍老僧謂余言茲
山踰華岱峯崖二十九泉洞數幾倍寺觀百有餘祠廟不勝

載水石鬪玲瓏花藥盡菴藹優曇亞崇壇梅檀徧溪瀨鼠姑
黃叢叢虎蘭雪蔚蔚芭苴大於門旃欄長似旛青篋抱數圍
黃團巨方罨杜鵑十丈纏寶相千重挂緡蠻噀念佛迦陵亦
搖曳潭深赤鯁浮嶺峻碧雞會團茅六十秋猶未悉梗概官
程太匆忙勢難徧津逮矯首入定處煙巒橫緩隸清磬出迴
颺迢迢醒塵界林杪銀河翻數道各澎湃琤璫諸澗流送我
奏清籟回途抵牛井傳舍除埃氛挑燈讀山志開土手所掄
錢那藝文暨古蹟幽渺搜殊珍當與霞客記志乘爭紛綸乃
芭作識造化蘊難以尋常論五臺妙吉祥炎夏冰霜屯普陀西歸
墟晏坐翻鯨鯢峩眉大因力光耀西南垠及此成四大允爲
十方尊作詩和梵唄一滴滄海分書罷翰音唱金鴉翥朝暾

傳衣寺

禪房前山泉一股就地迸出高丈餘旁有冬青全萃其上皆成珠樹扁曰篆煙泉

豈有颯輪扇九淵六時騰湧散淪漣當空瑟瑟珠為顆直上
亭亭篆化煙月照玲瓏千尺雪風迴霑灑百重泉知從地軸
還銀漢長潤花宮玉樹顛

赴永昌道中次阿廣庭先生韻

不待言愁已欲愁吟懷寥落句難搜稍欣細雨添秧水偶愛
涼風報麥秋實塞軍須猶未息緣邊民莫尙應求蠻村畧與
江村似叱犢聲中語栗留

宿合江段氏樓四絕

遶牆藁薛亂楓櫛窄牖危梯倦埽除絕似紅湖蠻砦裏竹房
秋夜雨聲疎

合江如玦復如環濺雪跳珠下遠灘更和雨聲來枕上夢魂
那得到長安

往來七度閱山程伏雨闌風馬倦行寄語南樓絃誦士澤車

款段足生平

段氏兄弟父子皆博士弟子也

一燈明滅隱衡茅羈客如僧剩打包腸斷當年逢短至蕭蕭

罐火侍

龍旂

時距夏至六日矣正前北郊時也

復至騰越示黃與

昔別歎萬里再聚欣經年滇池復抗手後晤真茫然豈知更
一笑棲託來窮邊有如五緯星變段行長天疾留與伏見偶
爾同瑤躔所願光皎皎不逐塵霧遷君類房次律頗悟前生
緣我比邢和璞物外空周旋非仕非寓公來往隨戎旃小泊
安石渚相依良所便宵來半窗雨松竹鳴山泉從茲頓翦燭
呼酒除勞悃

重過大樹園

去年經畧居此

春風堂集卷十二
銀杏四五本翠竹千萬竿綠陰不見日蕭颯生微寒昔邪上
几榻瓜苦敦門闌當時草檄處今誰駐征鞍園丁占隙地架
木成枿樂見客如驚鹿款語意稍安何人得似此婦稚終團
圞文淵病難起定遠生未還廢興等一瞬涕淚留餘潛

次升之韻

角巾東路更何時旅夜虛窗翦燭遲薄宦敢論如士燮安禪
端合叩楊岐人同石鷄飛常退詩比林獺響更悲就使并州
真似舊望雲終起北堂思

艱危何意說秦青三歎曾看酒琖停已分客嫌原父傲未妨
人忌次公醒心情無復泥沾絮身世空憐雨打萍誰識來思
詩句好殘宵燈火謝家庭昨家書來知弱女已誦小雅矣

夜渡潞江

六千君子已沙蟲依舊奔流怒殷空自笑老夫頑更健又呼
解艦過江東

瘴雲如墨夜冥冥江館荒涼六度經津吏不來燈火滅坐聞
鬪鼠墮寒廳

廣庭先生以雨後書懷詩見示次韻

象齒南金貢未錫蠻雲溼土軍猶壁已停曠騎報烽煙偶較
彎弧鳴霹靂是日較射江遠虛傳鬼彈生氣蒸時聽雷車激霽餘
斜景耀琴書秋近涼颼拂巾幕鈴索誰知戎幕清茶煙宛似
禪林上道眼久已空晚歲安心豈須覓勤學偶開伯業
書勞歌一任爰生笛逝將香觀掃塵根更演潮音破憂戚去
來一致不容思垢淨兩忘何用滌深知解脫珠早還自顧貪
癡棒終喫鈍根擬斷睡蛇昏清境思隨夢蝶適東山况復緩

過歸西邸常欣奉良覲月華夜夜對三人海味朝朝傳一滴
先生類日示 詩皆見道語 仙紙休驚筆有神談空久識詩無敵

讀升之放言一篇再疊前韻

吾才鈍劣如鉛錫日日吟餘臥榻壁驟驚強句似飛黃忽向
龍池生霹靂依稀天問與招魂欲擬湘纍豈有激博博誰窮
九地深高高詎測三重羃出出譔譔任吉凶烏烏雅雅從誰
寂牛哀化虎本何因樂廣疑蛇難更覓醉醒還憑下若筭存
亡空感山陽笛浪傳貳負久橫尸孰信刑天工舞戚放眼君
今懷抱寬洗心見李氏易傳我已肝腸滌不見去年爰徼外如墨
江流自煎喫金甲春來雖未銷掃地焚香已酣適家人在室
感蠨蛸著莢寧須三歲覲戎州無事雨初停偶聽檐花階下
滴槎枒肺腑一賡吟不比昆陽輕大敵

三疊前韻示升之

條侯不奉師中錫獨挈孤軍走吳壁一朝喜得灌夫來舌有
風雷飛霹靂生平肝膽本輪囷寶劍生鏗飛矢激邇來世路
苦遭迴劇甚疇人算方羃百鍊鋼成繞指柔竟欲投閒耽
寂鹿脯頻須作帖求豬肝自分從人覓賞音終愧遇中郎仍
向柯亭斲殘笛土堦何堪接飛燕蔗枝詎足諧干戚關前赤
羽儻旋停衣上緇塵當更滌幽居時與蔣卿游珍果還同朱
老喫杜詩梅熟好同朱老喫長流已免似虞翻晚達何心羨高適君歸
如復向淞南煙水拏音定長覲好倩奚奴壓酒槽更呼小婢
排酥滴閒人端可作閒詩擁盾詞場再求敵

黃與和韻見示四疊前韻

錢郎標格如金錫擁被高吟聲撼壁黃與每夕必背誦韓杜詩十數首忽拈

劇韻鬪雄豪落筆空堂響霹靂詞摹冰柱豈嫌怪意做石壕
寧患激何爲芒彩忽中嵌六以彝尊疏布羈君言往歲忝軍
諮借籌肯作寒禪寂殺一山欲壓營伏戎獨入箐林覓殷
天巨礮亂繁星仍臥一管歸來殘血漬征衣未許妻
孥問歡戚擬紆噫氣發刁一毫更向冰壺滌指天只恐忤
雲門棒殺還教狗子喫羨一意氣已漸平呼馬呼牛從所適
我今處此似桃源已過花一復來覲曾中壘魄勿復云差愛
眞珠當瓮滴糟邱有路達華胥笑眎人問蠻觸敵

與黃與話去秋從軍時事五疊前韻

去年上將彤弓錫分路揚旌出銅壁兩軍合勢夾江趨蛇鳥
風雲迴霹靂自慚記室本非材橫槊鳴鞘差壯激積淖汪汪
淫雨深蒸歎漠漠蠻雲羈長圍兩岸督環攻巨礮中宵猶未
寂炎陬地惡病河魚肘後奇方安可覓所欣釜底剩游魂死
聲已入伶倫笛乞款書來忽受降番衆謹闐破慘戚爾時君
亦駐窮邊兩蹠衝泥無暇滌飛書警報刺聞來毳飯寒菹隨
頓喫關門並轡得歸休夢到鈞天無此適追思殘暑始分襟
豈意窮冬再相覲如今羈旅數經過重話艱危淚潛滴儒生
磨盾竟何爲詎有重瞳萬人敵

前作意有未盡以詩足之六疊前韻

隱峯神足工飛錫坐使強軍俱入壁乃知至人無畏施蟻跡
衝車走霹靂我今荏苒柔木同妄擬孫郎多感激頻將學道
陋張津閉戶蒙頭絳帕羈去年仗劍飽艱辛始悟禪那堪守
寂此間寥闐過精藍枯松剩有寒鴉覓雙鳩學語亦未圓偶
聽嚶鳴等琴笛顛毛已白久成翁肺腑誰人密似戚伊威承

夜感淒清廁廁終年虛澣滌僑居畧比一枝棲意緒闕如七
椀喫青山倭墮欲望中究安適名園底處羨樊重
妙墨何當問孫李丹砂絕微尋寧思石髓空山滴小窗
虛白證楞嚴澄心自掃陰魔敵

奉酬黃與見示之作七疊前韻

碩人渥赭如公錫舞應編鐘懸四壁深知律呂召寒溫不取
徽絃名霹靂詩成示我再三歎擘諧肉好蠲悽激識君繕性
兼尊生浮沈本任蒼穹羃况聞少日本單寒破屋三間甘闌
寂壯年流宕轉他鄉溪南一飽無由覓忽從奏賦上 金鑾
自此雲韶聞籥笛差堪算榷效裴請未肯干時慕甯戚從戎
頻歲按炎陬洗兵志在蠻氛滌庶幾絕微免征徭粗飯窮黎
得飽喫元魯山與黃道州置君其列殊堪適生平清德似袁

楊久畏人知謝貨觀飲冰茹蘗不嫌辛此味傳家如乳滴請
看犀角兩兒郎頭玉嶢嶢虎豹敵

寄博晰齋八疊前韻

使君才似薩天錫曾向蓬瀛看畫壁揭來按部抵邪龍十八
溪流轟霹靂世事圍棋劫未闌人情踏弩機常激君今處此
獨忻然大清肯被微雲羃巖關絕隘自迴旋藥裏書籤伴岑
寂元卿况復在比鄰沽酒空齋定相覓蔣檢討舜游時主憶
大理書院講席昔邊城畔甲時燈月雙圓試笙笛登場一聽轉春鶯左驥史
姍俱悽戚舊夢如雲不可尋柔情似水何能滌知君病起萬
緣疎一口西江竟能喫雪泥鴻爪本無痕義髻銀箏隨所適
只聞馬首欲東行參商相望何由覲此詩莫遣細奴知恐惹
蠻箋紅淚滴天涯蕉萃又西風寄聲秋士愁無敵

雨後再過易羅池亭

遙峯影落清池底一段濕雲收不起閒鷗偏掠雲上飛零亂
穿雲魚數尾半痕淺碧秋羅紋未容荷芰翻紅巾山神連夕
送急雨蘋華蒼葉俱鮮新我來倚檻數層嶂脚底忽聞人蕩
槳前池隱與後池連水閣如橋通小舫

七月初九日曉夢忽得十四字不知是何題也醒而

成之因憶前此夢中似至恒春舊居憑欄眺望有一

把柳絲二句今亦成一絕

萬疊春雲碧似煙京華何處望南天鴈回莫恨無消息路過
衡陽又五千

燕泥珠網挂簾鉤別館蕭條只似秋一把柳絲風又雨更無
人與縮春愁

七夕

梧桐一葉秋悽懷最難釋星宮亦有情誰能禁孤隻所以來
復期於茲契靈蹟今年逢午閏經月已見厄入秋又兩旬迺
始講嘉夕宛如人間世羈臣少歡懌五角與六張事事動乖
隔黃姑本諸天橫陳已久斥執手成陰陽此懷尙脈脈牛爲
璇室女明妝應掄翟自從賈聘錢瀕河處幽僻雖有神足通
微波限咫尺青鸞未肯承烏雉獨遙惜願以雙翠羽踐此文
綦迹遂令癡兒女乞巧薦瑤席蘭香終自熏明慧究何益不
見七襄工終朝勞緯繡我本不解事南來更衰白聾牙古性
情人世應棄擲稽首煩禪遺諒神非所嗇還書所拙文幸無
室人謫

廣庭先生以詩見示次韻

此生已學意生身偶為明河感昔塵客裏秋期渾似夢病餘
詩筆愧如神小窗燈火依初月故國刀環隔暮春先有今春
回京之約
尚是關山戎馬日莫教雙雉報歸人

八月十七日黃與招同明侍衛碧夢仁及升之集易

羅池小飲待月次碧夢韻二首

亭臺到處有清緣雨過長空卯色鮮碧漢尚留前夜月本擬
以十

四日來游青山低映半湖煙翦燈便作停雲地鬪酒初逢冷

有事不果是日交露天白露節我亦提戈經轉戰西風吹鬢已蕭然亭舊有明
參將鄧子

龍對聯云百戰歸來贏得鬢邊
白髮千金散盡惟餘湖上青山

勝地重來有勝緣波紋星影共澄鮮依城佛塔凌秋嶂隔岸

人家罨暮煙柳葉蘋絲橋外路玉沙金礫鏡中天醫藥只合

曹騰醉聽盡歌雲倍黯然

永昌水仙花臨秋已開或有疑其非時者次蘇文忠

公韻以解之

水仙本仙種又如守節賢蕭條冰雪裏芳澤終能全所以楚

靈均瓊佩中流捐茲開他秋仲弦月初行天忽疑江南岸餞

臘當殘年亭亭凌波出冉冉微香傳炎方花事盛紅紫春新

鮮以憐秋落竟數朶欹涼煙依然歲寒意雨夜爭幽妍明燈

耿擅暈照我曲尺眠尙愁麝火觸豈敢茶鑪煎惜無海山簪

物外同靜便招此斷腸魂永作一笑緣更與覓清供石筍兼

苔錢

游寶山寺寺在法寶山蒙
氏異牟尋所建

客中情緒如眠蠶亡何日飲誰能堪忽聞城東山寺古走馬

一逕遵煙嵐苔厓翠屨儼屏扇九隆離立高相參危碣短笏

度村聚山椒雜沓圍松栴崇階登頓八九級入門調御排蓮
 龕丁香正發糝紅片凌風金粟香初含老僧肩衣乞食去雙
 扉自闔無人監沙彌一兩洗故衲氣象蕭寂兼清嚴旋由經
 廚啟梵筴多聞義學窮詰誦函中如維摩圖覺諸經皆係荒
 寫本其餘俱有鈔撮他註者荒
 陬猥瑣士失學經史散佚無人耽桑門結習尙復爾青衿對
 此當懷慚碑書古刹肇蒙舍南詔立國紛戈鐔傳異牟尋正
 七世西破吐蕃陳貢函地圖方物進絡繹清平官使齊朝筴
 銀窠金印示寵錫作藩南服聲靈覃鐸鞘浪劍誌武烈何亦
 佞佛開精藍想當建朐役萬指琅璫鐵鳳翬重簷閱時千祀
 屢興廢數椽仍見畱空嵌層樓縹緲出林莽振衣直上恣幽
 探拓窗俯視堆衆皴沙河一派流漸漸原從大雪及交椅山
 沙河發源交椅大雪二山合流循山而下入諸葛
 堰達于東湖堰相傳武侯所築村農洩以灌田循山曲折

趨東潭當年雍闓實逆命建寧烽火傳川南王伉呂凱誓死
 守神兵一掃妖烽燔安邊自應濬水利豈必附會如叢譚況
 今秋成逢大稔黃雲萬頃盈甌既武侯既往遺蹟在利澤萬
 世偕巉岷遐陬弔古不忍去荒林何意停羸驂殷雷欲奮雨
 脚挂下嶺猶戀鐘聲韻

秋夜

滇南不知寒豈識秋氣到今宵振微颺著體頗料峭林葉雖
 未翻微黃已見告有如中年人忽忽近衰耄蠻奴率愚蠢安
 能解悽悼空將寥落懷付與螻蛄弔我本九辨徒尻輪落南
 詔行年四十七往事益縈繞明月漸如珪秋雲薄于縞清燈
 鑒羅幃此意與誰道惟應淨塵根翳愁庶可掃

臂痛

隻手扶天綱壯懷本磊砢人道況尙右臂胛用尤夥如何忽
痿痺督脈困拘鎖去年暑未殘奮身入汗裸毒淫纏心脾蒸
濕注骨踝肩背亦受傷動若遭箭筈蠅頭久不書搦筆謝璨
瑳何由傲清臣脚氣篡叢瑣所擬從期門殺敵尙須果今茲
筋肉弛寧異左師跛拓戟暨彎弧二者無一可知此雲幕中
從事兩破破偏剩一人半定見等廢情懸知時命慳遠客仍
輒軻昨者思據鞍欲上已懼憊實緣精氣衰豈能藉藥裏只
合歸江湖隱囊趁軍舸臨秋更持螯此計庶非左

升之生日次廣庭先生韻四律

比歲同軍府霜清拂劍花何期弧矢節仍望斗杓斜文采傳
窮微聲名冀克家兼懷令嗣少鈍依劉真得地彈缺不須嗟
促坐收書帙哦詩散墨花西風寒漸峭南陸景初斜雪鬢三

千丈秋砧十萬家孤生虛負米獨起望雲嗟

生意沾泥絮微蹤落溷花題襟從慰藉步履互橫斜雲樹遙

當戶琴樽宛在家回思烽火日致語莫興嗟去年升之從軍有路此日正抵

坎哈

菊淨朝團露楓殷遠鬪花夜寒石溜響風起篆香斜翦燭宵

疑夢銜杯醉是家杜詩得醉即爲家庚寅懷誕降應笑楚臣嗟

碧夢以所獲野鳧見餉有作

昔我未仕儕村農繡鴨作隊柴門東拍浪兒挾桃枝弓數獲
往往誇盈籠誰知火鎗用更宏剡木三尺髹以紅中剜一竅
枵而空寶子五銖鉛所融和厥硝藥能飛衝是時秋高盡陸
種滯穗盈畝禽所從綠頭接翅翹涼風日俛且啄膚草充君
也衲服馳黃驄天發殺機聲隆隆流星一點行青穹中必疊

雙等五縱如皋之笑迴明瞳歸飭膳宰和椒葱羶膏鮮羽真
宜冬知我杞菊廚不供臺餽欲使加朝饗游畋畢弋古所崇
羨君藝比蒲且工微生每為口腹窮只合長避菰蒲叢打魚
有歎將母同歡娛蕭瑟一飽中對此忽憶歸吳淞

病中生日升之復次前韻見贈奉酬四首

十笏維摩室新詩宛散花獨憐人漸老竟似日將斜寥落三
年戍飄露兩地家感君鄭重意伏枕更長嗟
此日京華路仍添供佛花冰霜時慘澹燈火淚橫斜已分愁
為宅長憑夢到家我辰竟安在莫慰倚閭嗟

龍鐘四十七一夢等空花每厘中年感兼逢暮景斜緇經依
佛地致語藉僧家

先是寶山寺僧言余生辰當為焚香展祝

舊雨同今雨猶欣憶

梅糝千枝玉蘭抽九畹花恰從禪榻伴留畔藥煙斜客久拚
更歲時艱敢憶家何當聞吉語把酒免咨嗟

廣庭先生復以詩見示次韻四首

蕭瑟三冬節衰遲一葉身幸隨西府掾敢擬北樓賓垂老才
華減相知笑語頻微生同小草竊喜近韶春

昨歲逢今日初收遠戍身去年此日正班師至黑石河烽煙停轉戰琛賚

佇來賓論事驚心久籌邊屈指頻奇雲漸干呂吹律應回春
父母劬勞日關河漂泊身鑿楹思教子翦髮憶留賓鄉夢蒼
茫隔家書悵望頻采蘭與懷橘何計報三春

不分懸弧志終成斷梗身生涯隨鴈旅職業託龍賓把酒挑
燈數看山拄笏頻醉餘忘失路疑在故園春

原作

長白阿桂廣庭

樟地三年客軍中百戰身傳經崇世講蘭泉鄉試座主夢少司農文子會試借箸重嘉賓白髮歸還座主錢少司寇稼軒及房師李少空西華皆先文勤公乙丑所取士

未青鐙聚正頻初辰一卮酒梅放近陽春

喬松金氏宅其勝夙未經趁閒試一訪舉策開幽局蒼然起寒色問歲非修齡何為蟠屈意已若鍾英靈一枝欲直上忽折橫空庭盤拏不得放鱗鬣爭浮青森森鬪遠勢颯颯回層冥過牆兼覆屋力足排飛霆濃苔久更暈弱羽愁難停其根亦墳起盡得蛟螭形安知九地底負土無仙苓寒飈雖振蕩儼激山泉冷終看後凋性不作先秋零主人頗絃誦守獨哦遺經人生應孤勁此可當前型勿同宋社櫟擁腫論荒坵

魯梅次韻

梅花似幽人相賞不在眾一枝竹外斜已足挂么鳳况茲古梅古意外出奇縱生涯倚破屋孤瘦誰與共頻年苦蕉萃豈免時俗諷終看標格在桃李敢伯仲我欲訪冰花一洗邊漳重蕭然白版扉繫此青絲鞵更攜益友三黃與升不藉閒賓之碧夢從遶枝但清吟未敢狂擊甕可憐青銅柯半倒蒼石縫餘香仍返魂洵為天所種坡詩嘉藕天所種春禽亦苦寒深夜絕啁啾宛然姑射仙翠袖守僵凍誰為聘海棠佳耦匹齊宋清愁無可浣庶幾酒一中歸途聞霜鐘煙月宛如夢

庭梅試花有作

依依疎影傍檐楹空裏寒香逆鼻生客為重來增悵望花如舊侶共淒清冰霜蕭瑟春猶淺燈火青熒夢未成莫怪鄉愁今更亂天涯又近歲華更

除夕口占

滇南三度餞華年最是今番寄絕邊
 斗大山城同聚落偶聞爆竹響春煙
 藥椀經旬旅病淹心如黃蘗幾時甜
 頻年不見梅間雪暗向征人鬢上添
 先春桃杏已飄英隱隱殘雷度碧城
 守盡長宵眠不穩獨聽漏版過三更
 不拈臘酒不吟詩坐對緜桃一兩枝
 更有紅鑪知伴我瓶笙永夜奏參差

春融堂集卷十二終

春融堂集卷十三

青浦 王 和 德甫

勞歌集 壬辰 辛卯

騰越寓舍後廢圃見梅花一株有感

粉牆東畔影參差始覺疎梅發數枝
 寒不依人原自惜瘦今如我副相思
 冰霜性格圓蟾照松竹丰標翠鳥知
 卻恨經年離別久春膠重酌已嫌遲

上元前一日易羅池亭觀燈有作

半月東風入柳條傳柑佳節荷招邀
 邊民正喜消兵久火樹銀花破寂寥
 水光山色照溪亭亭下珍珠百斛渟
 更聽十番絃索好新聲
 來白錦帆涇 時彰制軍寶由江蘇布政使陞任至此

山花野鳥盡開敷烟火熒煌蠟炬俱更有新奇人未識鯉魚

跋浪鶴將雛
蠻奴亦做嘯春鶯臺閣裝成對畫楹明月未斜筵未散直教
結束到三更

三載邊城度上元近來憔悴豈堪論緣知節使投醪意不惜
青袍浥酒痕

重過大樹園與升之聯句

大樹今無恙德甫閒門昔屢經重遊耽寂寞升相對話飄零春

半花如掃德甫宵分竹自扃林深初逗月升葉罅忽穿星泥潤

新除逕德甫落荒舊憩亭履綦懷往躅升翰墨認前型台座愁

頻坼德甫經畧傳公及副將軍阿公蠻貊恨未寧仍煩神筆運廣

庭升先生升後見旅驂停卜夜容疎放德甫遵塗入杳冥居然成傳

舍升聊爾比郊坰噩夢猶餘悸德甫嘉謨憶共聽談深歌更哭

升吟苦醉還醒泛泛杯浮白德甫幢幢燭暈青歲時三改燧升

身世兩漂萍羈迹同齊贅德甫鄉音伴楚伶虛舟先負壑升之陋

室尚留銘德甫經畧有圖誰分愚公谷德甫人稱謝傅庭山楹當埠

現升仙刹傍岩亭到處鴻雷爪德甫歸來鶴蛻翎金城搖落意

升霑灑問園德甫

疊水河瀑布

玉龍奮迅空山裂箭激長洪走凹凸終古恒疑香海翻懸空

直恐銀河竭不雨頻馳晴日雷未寒先灑炎天雪建瓴卻藉

墜形高鼓橐無虞元氣泄齟齬崩崖豁百尋沖澗急瀑迴三

疊大盈江派此其源下注檳榔快劍映我居夷裔正蕭寥欲

出圍闔溯奇譎斜抱城根帶玦環初濺石齒鳴簫漚從風蕩

漾散雲烟緣嶂奔騰挂虹蜺儻逢畫手有吳生持較嘉陵豈
見劣危亭小立聽喧逐獨剝落衣讀殘碣餘姚太守真好事
手闢榛蕪斫槎檠豐城老將亦名流亭建於知府嚴時泰參
將鄧子龍復增拓之
餘姚人鄧更節香茆敞檀棗坐使深湍傍屋行響入櫻楠尚
豐城人蕭屑十年流水不聞聲安得跌跣證禪悅深礪懸知蘊怪靈
蠻區應為湔歎熱濃陰如更沛長霖走馬重來看奔決

清明

節物傷心值禁烟輕寒暫暖雨餘天棠梨花外西郊路蠻女
家家送紙錢

絲來

絲來岐路更多岐錯互流傳信又遲石關已銜難計事鬼車
竝載庶亾疑休將黑白分全局正恐蒼黃溼素絲一枕華胥

俱噩夢曹騰只合倒深卮

奉

旨移師往討金川啓程途中有作

歲陰單闕陽月朔我客南詔經三秋盲風怪雨歷炎瘴羊腸
鳥道供狂遊疾病雖多神力王意氣尚覺無全牛昨宵衙前
搥大鼓尺一有詔移貔貅狼貪鼠竊三十載鄰封切齒
思同仇臨邊連帥專姑息恐致虺蜴成蛟虬裸夷况已親納
費八關撤警烽煙收橐弓執水亦何用自宜合勢誅蚩尤元
冬已屆風霜迨曉來朔氣穿重裘鳴笳吹角分隊起敵愾竝
奮騰驩騮高黎點蒼若送我出雲山翠明雙眸諸君摻袂其
留餞凍醪百斛觥船浮輿酣不作兒女別悲歌斫地森吳鉤
雪山玉壘又絕險軍諮記室無長籌獨憑威靈震薄海重
臣韜畧相咨訊手挽天河洗兵馬試看露布馳 皇州

別段生

雲程

戎馬間關日江山搖落辰憐君中夜別萬里話窮塵

同副將軍温公

福

赴蜀發永昌

悲憫

露重風淒月半明蕭蕭斑馬出巖城循陔將踐三年約絕塞
仍為萬里行并鉞參旗垂浩蕩松潘雪嶺倍崢嶸故鄉卻望
今誰是回指哀牢涕泪橫

寄查觀察恂叔

烽火頻年歷瘴鄉又隨定遠過華陽陌刀二百軍鋒銳

見牛叢與

南詔綽斯書時率組甲三千殺氣揚

時調黔兵三千續至

星拂參旗開

北落地窮井絡入西羌書生參佐真何補聚米憑君指戰場
决策凌冬鏖賊壕木坪瓦寺陣雲高雜夷何敢思蠶食上將
重煩運豹韜羽檄徵兵三道集繩橋輓粟萬夫號熏香畫省

南吳客約服頻憐壓孟勞

東華游醮昔時同獐酒獠刀讖語中擁傳君先辭薊北從軍

我亦度岡東

細人稱老官屯為岡東

梅花人日勞相憶杜宇春山望不

窮何意天涯雙鬢白維關風雪竝臨戎

杜陸清才萬古傳敢誇詩筆鬪前賢江山寥落身將老戎馬

間關病未捐遠道驚心悲陟屺餘生回首念歸田祗應共醉

鄂筒酒欲訴牢愁更惘然

七星橋

鐵柱規模壯金繩結構牢斗杓分地脈

是滇黔交界處

羽扇想人豪

相傳諸葛武侯祭斗於此故名

策竹尋源迴盤江得勢高虹梁通鳥道不郵

馬蹄勞

威寧道中

向晚威寧道昏昏欲雨天愁看雲似墨偶露月如弦怪樹妨
狨帽深泥及馬韉僕夫相顧泣何處辨人烟

旅次

萬疊山巒繞客程半輪微月暗還明淖深九折黃泥坂樹罨
三家紫邏營魑魅欲來先怪鳥驂驢已病仗殘兵天涯幸值
同袍侶同年威寧知州崇君士錦濯足招魂餉芋羹

夜至古廟

冷炙殘羹間濁醪一餐聊復解塵勞寒菴獨語知霜重宿鳥
頻驚見月高陰壁尚欹塗毒鼓靈旗斜拂赫連刀最憐疲馬
虛芻牧踏地長鳴枉自豪

次畢節

今夕知何夕荒城落百蠻雲羅山一角沮洳屋三間羽檄方

傳警毛錐未得閒寒燈明滅裏催卻鬢絲斑

馬神廟小憩

雨霽雲消見碧天昏昏殘月屋西偏壞牆有牖縈蛛網破廐
無槽置馬韉難覓候人供酒食恐驚鬼卒荷戈鋌穿林跋淖
津梁倦聊拂塵牀枕手眠

將至瀘州小憩有作

荒祠供頓稍勾畱敗壁頽垣觸目愁柱刻蛟龍猶攬網庭棲
禽鳥亂鈎韉未經蜀棧千重險先試瀘河一葉舟歲歲從軍
今更甚殘冬霜雪滿茸裘

夜半至雲松官舍飯畢又行留別

月昏雲暗度層巒及到官齋夜已闌幸有元戎溫將招對酒
更憐舊友勸加餐根根絃索聲偏急漠漠泥途雨未乾此別

何時重見面揮鞭忍淚上危鞍

成都懷古五首

天彭井絡氣嶙峋自古名賢蹟未湮共說錦官還綺麗誰知
禮殿久荒榛凌雲已見畱封禪投閣無繆更劇秦太息文人
多失志譙周老去又稱臣

裴相文章柳尹書高才健筆有誰如諸葛武侯碑為裴晉公撰柳公綽書魚龍

八陣畱奇蹟牛馬千山送積儲天護將星歸冥漠人思炎鼎

共歎獻英靈假手誅鍾鄧滅蜀後鍾鄧即就誅司馬炎篡

魏

同谷飄零赴蜀州浣花溪上草堂幽雲間白雪三城戍橋外
青江萬里舟傷亂已哀耆舊盡收京尚為國家憂誰憐稷高
心期壯晚歲思隨粲可遊

長嘯聲華異域傳謂范淑公鎮三蘇繼起正齊肩氣鍾岷冢江源

盛身列甘陵黨部先韓富一時推國士秦黃六子附名賢投

荒萬里知無憾瓊海瀛洲總是仙

第一科名宰相家力爭大禮謫天涯詞章自織扶風錦著作

如乘博望槎空有香閣工唱和不嫌紅粉互天斜荒基猶說

升菴在桃杏新栽百樹花時查恂叔重葺升菴雜樹花藥

朱太守子穎述峨眉之勝感作

雞足峨眉兩處尊此來不用愴征魂天知宿業多聞在使作

頭陀入願門予在雲南曾謁雞足山敬禮大迦葉尊者華頂道場尊者頭陀第一而普賢則願門也安得節

枝箬笠往遂此志耶

大相嶺夜宿曉書所見

經行大相山廿里穿菑翳風餐雪又虐馬瘖僕亦疲到門夜

昏黑不辨何賢祠山僧蒸松明始得寬征衣煖湯頰我面豆
粥解我饑嗒然一榻臥漏盡誰能知喧聞爭判秣惡馬羣蹄
嘶雲房鐘鼓動約畧黎明時起就窗下飯蠻酒如酸梨飯罷
啓東牖微光照翠思松杉戛零亂冰霰紛縹緲浮雲將解駁
明霞倒射之十光互蕩漾三素分葳蕤七襄錦繡段百樹珊瑚
枝六章燦翬翟五緯迴璇璣巨天長虹挂映日彩鳳儀青
圭間白琥黃絹兼色絲斑斕鍾氏羽璀璨天孫機琪球合王
會茶墨陳軍麾又如華嚴海蜃市開恢奇樓臺變頃刻人物
窮豪釐罕譬寧足罄幻化難思維斯須金烏升巖谷收寒霏
蔚藍千萬里雲樹含清暉出門見冠冕是諸葛忠武祠再拜臨階墀
清高肅遺像坐鎮西南陲指揮出絕景用慰羈人悲舉鞭還
四望萬嶂真崔巍云是九折坂子贛常驅馳明當趁晴霽賈

勇超屢屨

邛州笮橋

翠竹編排束筍齊輕浮水面淨無泥行人來往如平地餘潤
何妨溼馬蹄

殘夜過邛城小憩南明官舍把酒惘然述舊撫今輒
成十絕

拋擲江鄉水竹緣飄零薄宦滯西川誰知蕉萃楓江客慘緣
當時最少年

射雉城西木葉凋一樽風雪晚蕭蕭如何東閣淒涼夢又在
清江萬里橋南明與予在如皋官舍中聚處最久

衰老渾如病葉零憐君雙鬢尚青青觀河面皺誰能識差喜
鄉音剪燭聽

小雪輕冰逼歲除蠟梅花向膽瓶舒忽思翻襪菴居士宿火

清齋寫梵書

時出山舟侍講所書賢首經見示

短几虛櫺彖曲牀殘僧風味儘蒼涼也無人向重簾底擁髻

挑燈說故鄉

南明內子已歸吳下而細君亦留絳州衙齋蓋如水也

香楠萬本隔荒甌瘴雨蠻煙木客愁閱盡千山筇杖底何人

碑版記西樓

草檄談兵絕徼邇如雷礮石萬人呼誰堪更向巴渝路滿目

干戈著腐儒

南蠻定後又西戎絕域分明指顧中料得據鞍吟嘯處雪山

雲海蕩晴空

十七年前七字詩昆憐白石有清詞征衣如雪年年浣又是

天涯歲暮時

南明曩以白石道人絕句書扇見贈追憶及之

虎頭無復問封侯垂老心情憶故邱安得鄉園老兄弟寄蓑
同上釣魚舟

離堆

上為灌坂有秦守李冰父子廟

嶠山塞外來厥流最迅利奔騰逮汶川響若風雷厲直下為
中江激箭尤雄肆東南乃成都衍沃宜樹藝膏腴之所殖畝
以數鍾記惜哉形勢高安得水泉濟坐令歎嘆乾石田付蔚
蒼太守本天人山川在腸胃相度開洪荒決排破幽壑疊石
扼其衝湍波遂分二又左作伏龍堰名迫速益涌沸後水擁前
水俾之載高地激行可過山似難寔轉易颯發與星馳逆流
盡南暨岫岫千萬井霑被無遺計黍稌獲成熟壩閘時啓閉
不待靈雨甘豐登慶嘉瑞北之仍合江雙津肆容裔所以天
府名秦蜀表神異東吳賴轉輸西土富秉穗偉矣萬世功粒

食慶作父我來灌坂上解鞍恣瀏憩榱桷煥丹青楓楮耀紫
翠鼗鼓戛勺鏗豐碑插巔頂鼎彝蕭薌升跛陀血膏漬後祠
二郎神威靈其炎熾皆云挾雕弧雲霄自遊戲尊嚴神鬼呵
叱咤蛟龍避此堆尚屹然永寧等帶礪鄉老重春祈祠官肅
秋祭紛紜走巫覡雜還拜婦穉俯察仰更觀目眩心亦悸

溜筒

我從灌口來詰屈歷窳窳稍下至危磯峯巒圍幽奧磯水沸
湯湯欲渡迷津要襄襄望林間巨木森旗纛問名識溜筒尋
槿古所號一高復一低綆繩互繚繞引之到彼岸鑿石繫深
竅剖竹合其間督令征夫抱手足還繫之一放等鷹鷂遙梯
惡谿長林林立刀鞘風雷擺旬轟冰雪亂奔跳營壘已迷離
耳目竝震掉旣濟雖無恙更生尚自悼目擊眞亭皇津吏持

符告云聞大軍至萬衆何由蹈前途竹索橋已爲大人造

周易

解驂酌村沽眺覽資詩料仰看筒上人天半正呼嘯

竹索橋

昔過鐵索橋下俯江如雪今來出汶川竹橋更奇絕憑空束
浮筠環柱挺高節動經十丈強迥異五重篾層層繞緜纏處
處聯箐筏鷺鳥愁飛翻哀猿驚截薛避險去桃關策蹇循邱
垤製仿徒杠低形似短笏截此間本要津軍須日闐咽昨宵
輓運來愁雲暗巖月千口共呼號五更聲未徹性命懸一絲
凜凜墮魚穴今晨風未平餘威尚飄瞥欲濟愁褰裳僕夫左
右掖百步過江心羈魂餘戰慄迴看橋左偏舊筴半綻裂

皮船

獨木剝作舟厥腹枵然空體圓易鼓側涉水愁長風西番更

用竹編緝形如籠密繩互糾結鞏用牛草蒙蓋當兩山間石壁高巖崿無由纜笮索詎可懸溜筒番中多犛牛千百皆蒙茸道斃取其鞞價賤物易充綳之三四疊問渡可奏功溪流一道來暴怒聲齶齶兩人槃礴羸戰色枯灰同一人持斷木直沂兼橫衝適逢驟雨過水石相磨礮團團快轉磨颯颯疑飛篷隻手苟失誤破碎何由縫剎那便數里小泊登旁峯篙師顏色定羈客心神融不爾一滲漏性命歸幽宮下眎更駭絕攢石千刀鋒歷險豈易盡感嘆何時窮

與升之夜坐

路滑城橋雪寒深瓦寺雲今宵還見面兩日惜離羣蠻酒何村覓勞歌永夜聞殘燈毳帳裏顛頓復何云

贈貴州哈提督敬齋

國典

上將移師自戛鳩魚通韜畧賴前籌銜枚千騎穿雲棧踏雪三更剗石樓斫陣誰當楊大眼讀經偏愛賈長頭鏡歌朱鷺行將近圖書凌烟表壯猷

軍抵山神溝

劍南自負多奇氣直造岷山看江水我今更度大戡西已踰江源一千里巖下哀澗琤琮鳴濺人飛沫衣生稜危石戴水怒獅踞喬柯凍雪乖龍橫層崖遠邁羊腸惡駿馬十步九步卻豈無健兒好身手尚恐虛沙崩欲落生平豪氣老不除揮鞭徑上凌崎嶇垂堂之言寧足戒但恨奇險難爲書空山忽聞過大鼓巨礮如雷走林莽風旗獵獵舞龍蛇已見軍營排隊伍

行礮頭草坡間作

碣頭之路如蟻旋斗削翠壁千尋懸怪石林林萬刀劍下護
絕底蛟龍淵行人一望頭目眩駿馬哀鳴踵流汗我來不惜
二分垂要看羣峯接霄漢崑崙山勢西南來天山葱嶺爭崔
嵬向南一支到滇蜀千巖萬壑雲中堆此是太倉一梯米西
戎得此輒驕侈時平絕險少鴟音何乃虬蟬效封豕出師兩
道何彭彭偉伐欲掩前賢名蠻烟瘴雪忽開朗笮橋石屋空
崢嶸軍鋒未動衆已怕番官土職爭迎迓此中險隘汝弗矜
試看神兵自天下

過天舍山至格節薩

朝抵松林口午陟天舍山玉龍倏忽戲雲海琉璃萬頃堆銀
盤人言此是太古雪白日不化封層巒細路千迴若懸縷雪
爲階級水爲磴上山苦滑下更難何限驂騑此踏蹬瓦寺番

人等獺鹿躡險梯空不留躅乞與元戎作僮僕五人曳馬鬣
十人持馬足雙旛颯沓下重巖走丸激箭誇神速我老轉愁
腰腳慙舍馬而徒行更蹇道逢兩卒慣冰嬉扶持始得如風
轉山木慘慘天將昏手足皸痲拳肩跟夜深茆舍燈火暗恍
惚魑魅呼精魂嗚呼男兒橫行休闕齟齬騰蹕應須骨精聳不
見當年經畧公一踰此山爵忠勇

得恂叔詩卻和

旌竿毳幕遠層層風起焚輪不自勝天日每夕多大風掠地鴉翎翻
雪影凝霜馬背起冰棱碣樓遙出前山霧埃火齊明半夜燈
同是戰場同晚歲新詩吟罷涕霑膺

三歲籌邊舊有聲飛書借箸賴長城伊涼士馬初臨境時調固原

西寧兵由髮濮番夷別駐營恂叔時赴雜谷雨礮風旗荒徼

路春燈臘酒昔年情藁街計日銷兵甲應許閒鷗話宿盟

望日耳碣寨有作

碣寨之堅誰始作唐名石屋今猶昨絕徼千山連脈絡碎石
林林遍谿壑大比輞輪小鐘鐸齊厥大小裁寬博累棋直上
出鼓薄七層浮圖十丈閣四面孤懸聳而削高矗烟霄捎鶴
鶴築之不俟匠人約塗之不藉巧人望其巔木石交相錯旁
開圭竇睇寥廓庸以施鎗注增繳飛枕瓜斜藤縵縛汲水砍
薪跣兩腳背負以登任騰躍戰碣如峯已峩嶸此更垣墉狀
郭郭昨所攻克之班壩山斯底葉安鬪角鈞心頗恢擴南北
有扉兩扇拓蟻蛭蜂房羣所托以安作息歛畊穫以蕃子姓
其熙醕引貫流泉冬不涸當時制度殊非畧寧料日久氛祲
惡負嶮設險窮貪虐側嶺危梁聳跼萼或兩或三形勢各日

南北山上合抗我師敢弗恪城小而固古所愕矧乃倚巖成
稠座甚多聚落不勝為笑則嗟若蠱蜂有毒毋謂弱詰朝先用鎔金鑠

次丹陽陸上舍赤南韻四絕

年來鞍馬逐嫖姚西出峩岷路更遙一澗寒雲萬峯雪不知
櫻筍是春朝

天涯同是作勞薪兵籍軍符積案陳莫怪江鄉無夢到八千
里外戰場人

滄波如簟獨揚舲回首茆齋隔翠屏可是錦帆涇外權分明
吳詠隔烟聽為恂叔題扇

柳營無侶獨蕭然毳帳風來燭影偏禹步已窮河勢轉西流
終夜響潺湲

程魚門以詩見憶卻寄

雅雨黎風絕傲行猶煩詩札訊鷗盟簿書仍似東曹掾袴褶
真同北府兵送雪奔雷頻霹靂連山苦霧失崢嶸蠻方只合
工蠻語莫怪來詩久未賡

雹

一日二日弗雨雹雨雹迺際長羸初維坤西南古雪嶺履霜
冰至垂簪書不分秋冬暨春夏同雲變現纔須臾東皇昨者
雖與位祝融詎敢揚彤旗阿香殷殷迴雷車玉女一笑急電
舒冰堅澤腹陰所儲山神弗取騰空虛彈丸脫手萬弩俱宛
宛玉粒堆槃盃蠅蠅瓊珮鏘檐榆海藏忽涌鮫客淚天宮齊
獻摩尼珠夜光非同剌蚌殼晝響絕類將羊鬚亂飄竿橋互
的爍急灑石屋紛模糊勻圓萬顆不可盡衛尉十斗何當如
挾以淒風雜苦雨楚幕豈復聞嗚烏申豐有說匪失誣此間

愆伏氣更殊吾悶番人亦畊畝山田苽麥方紛敷坐見遺種
靡錙銖撥酷何從博酪酏搏飯安得填隴啣皇天助順鐵厥
辜汝酋萬里行頭顱雨師然後來徐徐一洗兵馬寧彭盧

病中早起

西風吹鬢滿霜華歸計何心問及瓜石帚未除千幕雪松爐
微響一瓶茶亂山層疊懸軍壘殺氣蒼茫走礮車堆按文書
仍自了鼠肝蟲臂任生涯

隨廣庭先生馳赴南路統兵作

驚得魚通信軍殲麥壟溝雪深埋後路糧絕失先籌覆餗誠
當罪宵衣恐塵憂時前任大學士河爾飛旌旋卷甲踴躍
效同仇泰參劾總督

還至雜谷腦寄升之

輾轉支離笑此身又隨大旆逐風塵千尋危棧雲間成一簇
孤花雪裏春聽慣哀猿渾不省終成老馬是何因裁詩慰藉
真無益只抵頻伽餉遠人

過汝川

苦竹黃蒿一路多春風未見况清和江鄉此日交芒種萬頃
新秧綠映蓑

草堂寺

寺旁建少陵書院有像刻石

一曲花溪路曾為杜老居樓臺臨爽豁鐘梵出空虛風籟千
竿竹香雲四句書寺有南藏經清高遺像在旁有遺像已刻石憑弔一歎

歎

榮經道中閱楊笠湖刺史

潮觀

所貽吟風閣雜曲偶

題七絕

黎風雅雨道途艱院本傳來一啓顏鐵版銅琶差快意不須
小部按雙鬟

博浪沙中未報讐西行借箸佐炎劉赤松黃石辭仙侶獨上

河潼第一樓

張子房

雲車風馬萬靈趨不怨炎天竟渡瀘緣識七擒還七縱旋師

北伐掃當塗

諸葛忠武侯

輒宴思親涕淚多盤堆紅蠟罷笙歌憑君更寫澶淵會萬隊

黃旂唱渡河

寇萊公

宦海浮沈意氣豪生平蕭瑟本風騷聽猿下淚聞雞舞又賴

新詞解鬱陶

四山雲黑雨淋漓燭跋猶開絕妙詞淪落天涯聊自遣直勝

擊筑與彈絲

芝龕諸記播淮西絲竹聲中半滑稽要下英雄千古淚鉛山
那得竝梁溪時鉛山蔣心餘芝龕諸記亦行于世

過楚卡戎葵山色絕勝書寄曹來殷吳沖之

名山落蠻荒萬古絕吟賞未麗水經書詎來崎客訪卜居稀
獠伶入夜但夔夔山靈豈不靈寧免色悵惘我行殊戚速屆
此一停鞅嵐分天女眉崖擘巨人掌碧雲兜羅綿射日暈寶
網糝楮十人圍檜栝千尋上濃綠染蒼厓新翠變黃壤鴨鵝
集其陰麇麇得所養潺湲百道泉赴壑等修蟒奔霆軋鏗訇
憂雪走晃朗勢急斷鯁魴地寒絕篠蕩緣谿紅薔薇頗乘夏
氣長枝穿荆榛叢色與錦繡仿慰我羈魂愁發我幽尋想茲
山十日遊恐未窮所往一鞭抗手辭含悽付翹仰睇後路既
遐瞻前渚彌枉聊攄耳目奇折簡寄吾黨

過大巖二十八韻

茲巖真橫絕如堂復如戶忽疑地維斷頓使天宇掩六扇宛
負辰千層肖刻槩蘊靈高以奇結體大且儼句倨或磬折上
台乃脣弁龜文豐原瓦卦象凸離坎突嵌黃琉璃斜綴青齒
苔斑斑翟搏羽纍纍翠暈壓虎牙卓東峯蛟尾曳西崦縱橫
開九筵遐邇接一攬回巒象障袂懸石駭垂領汎泉時滴滴
枯蘚偶點點風露晚不到雲日曉還霽邇年方過蠻討逆等
伐郁攢鐳千軍停轉粟萬夫喊道長弗及舍于此和羹糝濛
濛炊烟迷熒熒野火閃長宵來托宿弗畏夔夔魘魔陰庇欣得
憩寢處遂忘險榮經玉屏風對此衽當歛可堪絕景奇迺爲
窮圃貶我行魚通路陟屺劇憂感解鞍藉草坐柔卉亂藿菘
鉅觀溢瞳眙爽氣沁脾膽愚叟未可移巨靈詎能撼浯溪暨

燕然兩者媿無嫌師旋儻勒銘磨厓我猶敢

悼亾

為許孺人作
歿於京師

星橋頻歲憶星娥憶別傷離涕淚多誰料斷腸今更甚雪山

深處望銀河

信到正
當七夕

娟娟涼露報新秋錦瑟年華逝水流此夕黃姑星已去他時

誰與伴牽牛

軍書訟牒正紛紜

時獻大學士阿爾
泰總督桂林之訟

苦報青鸞侶又分淚灑

西風迴望遠千山烽火萬山雲

白嶽黃山本世家

明文穆
公之後

夙因偶得配秦嘉可堪蜀道三年

別便作優曇一現花

川西薊北道途賒歸夢長憂不到家雪嶺楓林關塞黑更從

何處度雲車

花樣團圓月樣清藏鈎鬪酒毘娉婷銷魂琴畫樓中坐時聽

唐梯點屐聲

懺悔親書梵字經敲編小志寫零星

手書般若經至數十本
又書水經注及放翁入

蜀記皆百餘番似
為余今日識也

倩誰收拾簪花格留與香簌待汗青

胥江秋水碧于苔每得紅箋浥淚開各有傷心難自寫祇應

攜手話泉臺

長洲徐若水有南
樓詩草時已先歿

高柔聞已得賢妻在璞堂深海燕棲每讀西泠詩一卷臨風

拜月倍含悽

若水正齋二閨秀皆與孺人以詩筒
往來今正齋已歸侍御汪君新故云

夢中何處見珊瑚路隔秦關更漢關縱使鸞輪真可馭也知

難越萬重山

破翁古爾壟

大蹂婁仰山苦戰甲爾木虎嶠堅不動蟻穴何由蹙翁古爾

壘當達烏臨河細路高盤紆師之所衝禦益固空以血肉膏
戈及其西布勒壁千丈山根插水風雷俱東西鎗石互相守
阻隘難攻舍已久置之死地然後生淮陰此意真堪取是時
水殺流稍平浮橋西渡通奇兵兵分三路蟻附上霜濃月黑
方三更前茅登者揮旗幟後隊攀藤踵而至竟升絕頂入高
礪賊人驚覺旋誅燼上路已克中路清東山賊勢知孤渾摩
兵直進拔其柵駭走不敢還搪撐第一厄塞一旦破歡呼動
地如山傾嗚呼郭舟自歿三千衆今春總督桂公進兵至達
鳥賊人守此甚堅或甚之
從郭舟繞路以進賊
截其後全軍皆歿每望蒼厓各哀慟皆云絕境限蠻獠誰
肯乘危爲此弄今朝出險更長驅始覺疲兵仍可用更教大
將醜殺尸一慰忠魂洩悲痛

克僧格宗

奢龍拉約已乞降單甲多功次攻克隔水遙看僧格宗層礪
上抵烟霄直其礪依倚危厓巔一綫螺旋寧可卽茲本默藏
居子姓分兩區給以號紙土千戶車斯垆及佳蘭圖攷厥地
界良不小北昂俄角南達烏後拉爾丹合吞噬赤濫據此成
負嶠大金川番名促浸亦名赤佔小金川名僭拉亦稱赤濫
兩金川皆姓拉爾丹赤佔謂居於大河濱赤濫謂居於
小河濱者我軍欲攻之直前未可拔維時日廿一月黑霜風刮夜
乘皮船齊濟師潛聲毋許篙相撥三更以後傳其旁神鎗如
電爭飛揚番人驚起力拒守別隊從西出其後兩軍合擊不
可支麋奔鼠竄分而馳細看寨中決泉水寨前山木堆崔嵬
乃知本意在死守出其不備終安施郎車爾宗暨斯土往往
沙泥間斥鹵番人頗復擅熬煎將來兵食堪資取千軍呼洵
揚旂旛千峯北望氛祲消蚌魯尺木奚足道先指美諾摧窮

巢

軍次美諾

金川肇何代列士由前明本因番僧寺遂以演化名其印刻

演化東為別思蠻南為車斯垌崑州及揚塘眾建分番垌崑州

禪師不過百里羸犬牙互相錯深用防憑陵暨乎康熙初吉爾仍

長官司印係洪武十一年造揚塘安撫司印係歸誠封號襲舊貫異俗何庸更俾居在占固卯育衍其生赤

永樂四年造二處皆為償拉所併今明史失載估與同祖助惡資吞併虺蛇暗盤結欲作掉尾鯨新遷營美

諾異志潛抽萌豺狼復生羆牙爪矜鋒刃遂圍鄂克什氣已

無木坪湯湯甲楚渡漉血波濤腥巉巉巴朗拉殺氣雲烟橫

我 皇赫斯怒兩路揚雄兵參贊信雄武轉敗功旋成長

驅歷要隘虎穴條以傾迢遙蒙固橋亦見相國旌時温公已拜大學士

春融堂集卷十四

青浦 王昶 德甫

勞歌集 癸巳 乙未

甲午

元旦鄧生進討

何知今日是元正息鼓銜枚近五更雪上鬚眉寒有色冰凝

唇舌噤無聲令嚴誰敢爭先後路險安能卜死生待得日高

謀蓐食前茅又指第三程古人行兵五十里為一舍是日行一百五十里

四月十五日大雪

又遇長羸日還看雪電零稍分殺氣黑全沒亂峯青雷電同

飄瞥蛟龍動杳冥擁爐寒料峭何處索銀瓶

移師至翁古爾壘作大學士温公之兵潰于木果木

故副將軍 退兵于此

橫雲却月一時收左次何當缺斧鉞楚國亡後真足恨塞翁
失馬亦須愁余有馬牧于色木則賊至為鎗所斃全師豈直為中策得地仍能
控上游從古苗民多逆命誰同伯翳贊良謀

馳傳過清溪得沖之學使手書兼詩見憶讀已雪涕

於逆旅主人索破紙倚馬背次而和之時奉旨命廣庭先生

馳往西路收木果木餘兵別籌進討

絕塞飄零不記旬勞君款曲溯窮塵久因烽火淹青幕忍向

雲霄憶紫闈雪嶺天炎冰塞徑七月十六日過大礮山諸峯積雪如玉笋且有雪花飄灑

繩橋雨漲水連津年來髀肉都消盡六見迎秋六餞春

昨聞上將隕螯弧棄甲空餘十萬夫插羽再看馳曠騎峙糧

合議弛刑徒軍鋒齊淬風胡劍民力先陳鄭俠圖何日洗兵

江灌上更煩文教暨蠻區

千山齧翠虎牙同礮雨聲中記首功潦倒已慚青瑣客衰遲

久作白頭翁故人藏血經秋碧新鬼飛燐入夜紅慟哭飢烏

銜肉地九原何路寄郵筒謂鑑南升之諸君俱歿于兵亂

慘切長如素女絃老親書札在頻傳百年豈暇為身後萬事

難堪是眼前客久愁腸先已斷山遙歸夢併難圓裹屍馬草

尋常事寄語休嗤作計偏

聞陸健男改官侍讀奉寄

十年譽望著明光果看恩綸出上方簪筆已參周內史

趨班仍攝漢中郎紫微芒動詞初進黃絹書封夜未央同是

西清同瀑直獨憐烽燹滯危疆

蟋蟀

在野頻遷地經時每易名秋高分殺氣夜靜軫哀情江國長

春風堂集卷一四
此別蠻方鬱鬪爭睡餘思起舞渾擬怒蛙鳴

功插

烽火連天往事空又勞叱馭過魚通身臨萬仞松梢上馬出
千盤石劍中遺杖恐教同夸父時秋暑甚熱棄繻何事效終童卻
奇晴雪晴雲裏榭榭高林挂彩虹

將之西路道出成都南明留宿官齋縷陳近事並悼

升之鑑南家太守丹辰日杏三君

憶別三秋晚重逢半載過江山仍錦里風露接銀河七夕後一日

衿袖黃塵涅容顏白髮多此生真似葉隨分逐流波

投机終何益銜鬚豈自戕空聞移壁壘溫相國於木果木駐營距山巔賊碣稍遠

繼聞副都統春林送箭來營且師重見出機槍雪嶺埋京

遂移營向前頗失地利故為所乘觀雲旗擁國殤木果木登春諸處文武死事者甚衆蓬婆連失守何以邊蠻方

文采人爭羨刀兵運忽屯艱危惟汝共悲痛與誰論遽歿蠻

奴手聊酬國士恩相國遇諸從事于升之最厚故人慚後死剪紙為招魂

疑醉還疑夢驚呼鴈失羣一麾曾出守丹辰以戶部郎中出為貴州銅仁府知府

三黜更從軍猿鶴嗟初化龍蛇驗昔聞今歲在己窮山暴骨處無

計瘞孤墳

應歷華嚴劫偏教蜀道行歸元知未得薄宦竟何成鑑南由戶部主

事選湖南澧州知州未至而丁憂今以揀發四川來于軍亦未得缺也書札頻思我干戈肯愛

生寢門驚覆醢老淚一時傾鑑南余已卯鄉試所取士

又逐千軍去難為一日留峩峩連殺氣巴蜀弊軍籌赤羽書

仍急青燐血未收惟餘老兄弟翦燭慟應劉

桃門驛和沈莘田太守清任韻五首

沙蟲猿鶴未分明循誦新詩倍愴情河外一軍亡傳燮鄴中

七子失劉楨衰年久已傷哀樂戰地安能定死生幾度相思
畏相見如何血淚一齊傾

絕域方期飲月支旄頭何竟拂軍麾莽蜂有毒言終驗班馬

無聲事屢危雲罨箐林啼蜀魄山迴冰雪瘞殺尸鬼方端俟

三年克利涉分明兆卜著廣庭先生將赴四川嘗得頤之上九利涉大川占者以為克大金川

兆之

颯沓層厓動梗楠青城山外晚停驂秋兼殺氣寒偏早雨挾

江聲響更酣壯不如人今已老樹猶似此我何堪玉關生入

渾難料空向西風拂劍鐔

丁零絕塞不逢辰空作瞻雲陟叱人有子已成長戍客無孫

誰奉久衰親刀兵並擾慈萱夢枕簟難酬寸草春縱使平安

書屢報開緘知已淚盈巾

井鉞參旗動 紫閣重教上將統軍屯

時有旨命廣庭先生以定西將軍赴西

路總統 莫愁竅窳雄荒徼自有熊羆出

禁門閫外旌幢新

拜 命師中部曲舊承恩煩君更畫平蠻策先戮防風慰怒

魂

瓦寺道中

又度繩橋第一程翠屏如畫鬪崢嶸懸厓怪樹畱題句

余前冬過

此有絕間風雷寒不歇鏡天冰雪畫長靈之句刻於樹上今驗之猶存

夾道番兒指姓名奮臂

何由擒醜虜拊心先計惜疲氓千山搖落秋風裏腸斷蠻江

作雪傾

再過斑斕山

寒雲高與陣雲浮萬刃攢空石筍稠無復心情隨越鳥不堪

喘息似吳牛戰場曾記畱三宿瘞骨誰知共一邱

辛卯十一月克斑斕

令求前次陣亡將士骨合瘞之怪絕數峯濃雪裏山雷如礮殷清秋

喜官軍收復美諾

水底委蛇纔詰屈倏化狂鯨肆奔突官軍已次日隆關誰料
長驅張撻伐是時初集陝楚兵火器健銳來京營秋高士厲
議再進道旁築室紛諠爭或云宜向南山走始能直出美諾
後或云中路由可由堂堂正正仍前籌木塔爾小金川頭日
言此非計南山不如北山利南山陰翳北高空第克三峯事
已濟謂碩藏噶阿卜爾布越別思蠻斷右臂美諾居中安所恃
將軍擲帽忽色喜是番之言良有以更計先掀美美橋橋東
寨路皆已矣亥月廿九五鼓餘奪橋之兵爭風趨北山諸峯
亦克獲中路守賊歸而逋色渠東瑪皆橋東寨落名已寂寞一麾渡
澗登兜烏登達占固再服屬諸道軍鋒如破竹醜徒跂跂走

金川一旬僨拉全收復嗚呼古來用兵審大勢一節一枝寧
足擬胷中全局斷乃成批卻導窾皆披靡憶昔造攻白斑爛
數日續得斯當安資里沃日動數月窮轟狼鬪嗟艱頑何況
木果木變後遺以兵仗多於山兩酋合力作輸守詩一舉
凌嶺岼乃知名將洵神授此言此計何從看

寄彭觀察樂齋

端淑

犇刀幾度肅軍裝未暇握衣謁講堂問齒真宜先一飯論文
更自遜三長西京耆宿推轅固北地經師重馬光何日巴山
聽夜雨焚枯酌醴話行藏時為錦江院長

五十生日

彈指韶光又十年亂山殘雪困華顛你將大衍占來日待得
知非感逝川唱和何人嗟宿草往年余與升之生日必作詩往返酬和生涯猶

自托戎旃玉溪錦瑟真成識常寄愁心與杜鵑

元日大雪由美諾進討

勝算今年似去年宵來下令束囊韃風饗雪虐三更盡泥滑
崖高一綫懸嚮導屢疑番卒誤催行頻聽後軍傳臨深履薄
何容計爭指前山賊壘堅

攻克羅博瓦四峯作

山橫十里礪九座喇穆巉巖不可過偏師忽指此山偏出奇
絕險須臾破奇峯削另登古名前羅博瓦尤崢嶸四峯相次
賊門戶峯峯刀架攢青冥將軍愁絕計忽發先令虎臣海蘭
察第二三峯汝往攻佐汝以攻額與達謂護軍統領額森是
特侍衛達蘭泰日天凍風如刀緣崖積雪一丈高軍未及登已早覺舉鎗投
奔何嗚呼自上下下眾不動持滿而迎射軌洞豕突狼顧躡

且奔乘勢飛追躡其踵別隊紆道穿林躋所據與賊地勢齊
兩軍合擊呼動地兩峯連克無畱稽其第四峯亦席捲餘第
一峯尙未翦領隊普爾普圍之火器騰空盡焚燹懸其首級
陳其俘取其器械充軍須剗羊醜酒饗將士更掃喇穆清前
途

瓦角曉望

連朝濃霧罨高旻巨礫如雷隔嶺聞雨霽猶畱千嶂雪風寒
先凍一溝雲深林點點盤雅陣芳草茸茸散馬羣計日新晴
爭采入捷書先慰九重殷

羅博瓦道中

炙轂塗泥滑攢刀石角分泉聲千壑雨霧氣四山雲嘶馬驕
還躍嘯鳥遠漸聞兵鋒乘破竹又擬進前軍

晨過喇穆至羅博瓦周視形勢有作

登嶺苦霧塞過嶺陰霾空金鴉浴夜雨已射西巖東劃然亂
雲底衆壑分窅隆綠者灌莽積蒼者寒煙封其白綴殘雪其
青蔭長松孤花霜浚餘黃紫兼薦紅暗泉不可睹觸石聞琤
琮憶昨晚過此天地忽改容迅霆破萬鼓急電彈千弓疲馬
毛尾豎回首嘶狂風今晨喜曉霽無復塗泥融惟餘寒料峭
賴此衣裘重

谷鳴山勢橫如牆繚且曲其前復一重番言號喇穆縱爲羅
博瓦四峯作蠶簇第四峯忽變似人跂其足一屏劇嶙峋萬
馬盡拳踞下湫水深青傳有乖龍伏蠻奴偶犯之雷電輒相
逐峯盡勢徐下堆阜尙出縮中有色泐普隆然五碕轟週遮
柵巨材弗畏金礮觸我望凱立山副將軍豐盛額駐此旌竿儼連續日

旁隱寒雲亦兒喉火煜重岡俯奔川危巢竟在日春荳花稀
疎小麥穗黃熟農功不迨收賊勢知日感誓將一鼓登早取
專車修

谷噶

天半旌旗列成營窮荒風景迴難名引雷電忽綠帷過曠雨
雲爭傍鳥生不見裸蟲囚物化偶看藥卉應時榮雪葭渡口
秧針綠此日扶犁正課耕

五日

頻歲烽煙討不庭殊方節物感重經峯浮殺氣雲常黑雪壓
薰風草半青奮地雄雷疑巨礮連天煖火亂繁星一身衰病
干戈在五日冰霜涕淚零

卽事

四山雲霧畫茫茫暑雨猶然變雪霜火未能移節氣蚩尤

已落損光芒蒼頭奮擊雄師集鉤援臨衝戰陣張時甘肅貴州兵至而

京城火器營雲梯諸物亦到聞說故人乘傳至好將勝兆達瑤閭聞袁

迂谷守侗姜郎中先字傳旨來營

赴色湖普有作

雞鳴蓐食曉蒼蒼遙指濃雲是戰場此日定當窮鼠技諸軍
久欲奮龍驤明星影拂靈湫水清露寒凝暑月霜捷奏不須
誇送喜尙煩司馬察瘡傷

官軍下日則

礮雲未動陣雲高喜聽前鋒鏖賊壕小醜已難容喘息同人
何用更號咷濃煙挾火驚焚若急雨隨雷助洗刀明日更當
乘勝入博桑弓影不須岌

六月初二日雷雪

一聲兩聲雷迅烈一片萬片雪飄瞥紫電如虹數道來烏雲
黑霧時明滅空際惟聞風嘯號眼前忽失峯凹凸豈惟廬帳
懼簸揚直恐營牆旋毀裂怪事荒唐夙未經祇神鬼伯爭奇
譎得毋愚叟欲移山或擬乖龍將出穴萬馬羣嘶尾鬣卷平聲
千夫瘁噤旗槍折蒼皇相叩此何時已是林鍾初應節晚景
何當變晦明炎天頓覺殊寒熱滅竈幾無餐可傳燎衣猶仗
柴堪熟須臾雷止雪亦收新月半弦清欲徹

六月初三日雪

暑已當三伏寒終凝六花希聲仍颯颯空色尙斜斜敢怨龍
公虐長教虎士嗟擁鑪如餞歲滿幕是霜華

曉行

千峯暎火曉無光起聽收更鼓角長殘雪欲消三伏暑餘花
猶被五更霜皮絃番部淒涼調鈴蓋天魔祕密妝時德爾格
特番僧布
薩軍壘蠻陬風景異幾時拋却綠沈槍

克喇穆

二十二日月季夏進取喇穆分官兵茲山東西雖可上均有
石卡連木城護以垣墉及堆坑醜徒戢戢潛而偵屢剽其壘
弗克登惟中兩峯聳然起南北兩面同削成濺之必從羅博
瓦下溪再上緣崢嶸援柔及此尙躡躅豈料人力工飛騰攻
其不備首尾斷妖獯何地容搪撐聲東擊西各部署中權六
百抽其英其時四更月乃明乘黑先已穿柝檉千尋滑壁徑
本絕樹槎石角紛縱橫以手援手手捧足鱗集礮下巖無聲
月高別隊前後起火鎗金礮聲鏗訇賊人叫呀分拒迎擣虛

誰覺奇兵升拔刀突上超躍入鯨鯢盡戮無留形束葦下投
兩木柵赤燄勢掩朝霞頰諸蕃望見心膽裂欲潰而出圍層
層黑雲忽起澍雨降對而不見峯峻嶒諸軍冒雨攻益急賊
乘以竄如颺毳邀而擊之血於礮數獲器物難方程風吹劍
槩血氣腥番君蠻長賀且驚此猶神鬼猶雷霆從茲下取色
湖普壓卵形勢無留停移營回首望喇穆雙光天半攬青冥

克色湖普

從羅博瓦下透迤山勢將盡分兩支一為該布達什諾一色
湖普咸嶮巖番壁于上勢甚犖我軍擊之浩呼洵或用噴筒
或火彈迸落其中傷者衆迺復環柵開深濠柵上置版厚且
牢石礮石卡互聯絡三面鎗礮如風颺七月廿一秋雪霽熟
計凶頑堅且銳力摧肉薄徒爾為必絕其後斯能濟先令都

統越左攻厥醜全集紛來衝極其頭目摧其鋒其麓本屬耕
稼地投以炎火乘融風窮殲苦鬪矢欲盡引出姑與前軍通
風雨收兵日色盡事機一失奚由振護軍參領額森從右行
穿林繞礮偏奮迅且行且戰上危梁亦焚聚落成灰燼遂揮
別隊連宵馳昨所未剷重截之麋奔豕突半僵斃分師侵掠
無畱遺茲山自從谷噶上下至此間始一放遜克爾宗在眼
前俛視塵居懸指掌歎愁番地干嶮岷尺峯寸地皆艱難榮
噶爾博作負辰界以湍水流淙潺諸軍乘勝信雄武尙勿輕
此一簣山

覽遜克爾宗賊礮作

堅礮非堅堅乃心番心忍悍甘幽深壘石作屋當高岑浚濠
三面暨十尋細卡點綴倅橫參大師攻之黑虎臨有命聲似

雄雷音有鎗影似流星沈不畏血肉膏刀鐔礮傾卡塌摧崙
嵌入于坎窞誰為禁沿濠駕木齊著簪仍以孔穴覘凌侵自
穴出擊工酌斟經旬雪冷兼雨霑窟室滲漏成淵潄番也處
是猶衽衾濕疾無患跛與瘡粉糜寧俟漑釜驚口實卒殫求
諸林木芽野卉同所歆其人獮詐毛而黔有時叫嘯魑魅吟
一綫可據來駸駸至死弗變肯獻琛我軍飲食調陽陰與此
為敵何以任難之弗懼迪弗謹安能格以虞階琴非然夫豈
好斧礮戕其醜類如斃禽

喇穆及登古之北為達爾札克循山梁而下為日爾
巴當噶直遜克爾宗之北又下為墨格爾又下為羅
博瓦鄂博總名凱立葉至是則橫截作固頂滅金嶺
及勒烏圍中間下賊巢道路最捷故本年正月分兵

萬餘於此進取而賊據達爾札克久不得進及西路兵至遜克爾宗兩月餘賊亦慮乘隙上此山因於日爾巴修築礮卡不期我兵從墨格爾上也十月十七日由墨格爾據密拉噶拉木二十一日克達爾沙朗日爾巴當噶遂與達爾札克兵會合云

仰攻既不易俯攻亦良難不見遜克爾三月稽平蠻俯攻既良難仰攻或轉易不見墨格爾寒空立旗幟此嶺迴合倚高穹榮噶爾博一氣通萬層枯栢人迹絕千古雪霰山靈封嗚呼我兵信勇決飛騰不管蒼崖裂月黑風嚴虎豹藏蟻盤後挂登山缺道逢三碛附其巔燿其寨落光燭天下掃羅博瓦鄂博奔霆所至無餘堅賊知此險去巢亦不可據嘯呼數千指爪角爭打禦神鎗如星毒矢注桀石揮刀死無懼我兵不

動猶堅城黃昏拗鬪迫五更賊散復聚聚復散殲其頭目連鯢鯨遂駐密拉噶拉木擬金伐鼓朝移營此間地勢殊開朗高低邱隴多膏壤天晴雲日發光晶迴眺諸峯神威爽喇穆橫嶂真雄哉登古以北紛崔巍達爾札克莫爾敏兩地名兩峯積玉青冥開下爲凱立巨百里神龍掉尾臨江隈賊亦料我必越此修日爾巴謂可恃何圖出險更出奇阨塞一重今克矣是路逕捷無與同去臘諺用偏師攻豈知一駐閱十月寸步弗克乘其墉只今番衆已恇怯更令熊羆往會合中宵烽火忽連山小校如風來報捷

從格魯古盡克滅金嶺作魯頂

滅金之嶺通丹壩上連作魯如龍馬當時岳公將萬衆坐逼堅壩因其下我軍今已穿心胷批窾自可收全功沿溪欲截

不可截有達斯札寨名當要衝諦觀達斯札右為格魯古其前
 瞰大江其上通作魯箐林蒙復密匡礪高更阻麾衆潛而登
 人人互踵武天明未明登石梁羣醜奔突來披猖懸匡撒手
 轉死鬪應絃霹靂誰能當侍衛薩爾吉岱督兵力射殪斃無數賊乃竄去一克當噶
 海格替亦瓦解其餘上下百十寨悉猶鷗捲波濤灑是時丹
 壩兵久駐揚麾旌巍哉高嶺弗可上隔嶺忽見傳烽明撲龍
 瑪讓乘勝取番境東北同時傾千軍四面謹聲動巖壑槎枒
 應呼洶鼓行從搗勒烏圍么磨安得泥丸壅

克空薩爾

榮噶爾博山厥麓別四支中曰冷角寺南曰勒烏圍北木思
 工噶蜿蜒底江糜又北空薩爾攬捩連尻雕蠻方類習坎跬
 步靡平夷一重苟設守坐卻千熊罷掩吉達甲布雖克空爾

為敵頑衆轉怒地險謀偏奇割羊歃益血畢志攻艱危礪外
 既有柵柵外溝環之溝外復鹿角株櫛爭參差嗟我刀斧手
 捷足穿蒺藜再前度重壕鎗石已不訾橫身擲火彈揮霍星
 芒馳猿臂工仰射一一皆麗龜前者嘯而登迴手揚旌麾後
 者接踵上作勢疑拚飛驟如江河湧烈若雷霆威十盪更十
 決小醜奚能措五礪連屬處有隧藏路蹊黝然繚而曲架木
 排柝柵奔騰忽以塌投葦供焚熾神焦鬼並爛燔灼成菹藪
 其餘墜巖壑膏血懸荆茨三日更三夜斬刈窮鯨鯢斯舉實
 雄快席捲風帆移危巢一撮土豈俟天戈揮老夫衰久病消
 渴枯心脾今宵正上元雪兔分豪釐燒燈再磨盾逸氣橫髯
 眉坐聽萬衆懽侑我傾玻瓈先是將軍酒禁甚嚴自通丹壩客民始有售酒者

望北路官軍攻克宜喜二十六韻

宜喜真天險頻年此力攻峯巒橫境北窟穴限河東鄰界周

搜接危厓甲索通道途從昔峻西北為周搜西南為甲索皆

乾隆十三年分日旁甲索俄城三係促浸與綽斯甲布接壤處

路進攻俄城即屬宜喜俱未得利礮寨幾時空積雪經春白

傳烽入夜紅磨牙騰猊獅袖手坐熊牽綬先名將三十七

命參贊率兵駐此以牽綴危疑賴上公三十八年六月相國

促浸助贊拉抗拒之力縱能制豕突何以闢蠶叢地勢寒空

木時已命參贊駐此撫馭綽斯甲布得以不動

外神機想像中西路官兵駐密拉噶拉木隔河望宜喜形勢

新軍馳羽檄時新調四川兵三千又調南路兵

覓問人誰料乘取計獨工一朝凌萃律再舉破鴻濛上年六月

屬參贊從南路移師攻宜喜已克七礮至是盡克之

掣電旌旆飽帆風舉礮濃煙合焚巢烈焰烘連天鳴箭箬匪

地走學童競舞凝霜劍齊彎挂月弓凶墓腸肚剖猛虎爪牙

窮乘勝鋒芒銳長驅氣槩雄緣溪窮坎窞循壟刈蕘燹壁壘

迎初日橋梁挂彩虹於得式梯梯寨造索已欣人共奮何慮

事難終坐鎮資陶侃摧堅倚祭彤時參贊海蘭察率西

陳貳負俘定獲三腹輓粟行程近先是軍儲由檄底經卓克

縶斯甲布境內然後達宜喜今西北兩路已通糧飛書奏凱

同平蠻須大計方畧誦元戎

官兵下木思工噶遂克噶爾丹寺

番山一幹區數支一支上下仍多岐其間或凹或凸起或拳

而縮張而垂番人于斯善審勢木城石屋隨其宜木思工噶

更嶮巖峯巒呀處為通達旁轟兩阜生屣屣眈眈守此吁艱

危大師攻之兩閱月計弗出奇不可越相厥右阜巴木通首

冠三礮高巖業礮外齊將列柵環虞我雄兵驟衝突火龍鱗

甲化鉛丸神鎗直貫千重鐵偉哉猛將國與曹揮刀直上凌
重濠萬眾隨湧同奔潮一柵忽開別礮潰剗其餘壘迴風騰
七峯悉已懸旌旄惟得式梯臨江皋噶爾丹寺祇神驕督兵
再下搯左腋夜深雨黑紛潛逃夾河萬竈炊煙飄烝徒駢闐
互叫囂計日破竹摧危巢獨憐國也中鎗卒空荷萬里 頌
香包國典 人貴州副將捷書上時正值午日 國君之
上賜將軍參贊香包國君與焉比至而君已卒 父名士豪其亡先以創于腰兩世死事堪永號自從絕徼纏
烽燧刀途血路寧勝計止誇奇險出奇功安知肝腦爭塗地
壯夫烈士過茲山淚灑平蕪一酸鼻

恭和

御製賜將軍詩畫扇原韻

一函松篴 御仙豪 頌賜將隨節鉞操稽首又瞻 宸藻
麗同心深感 聖言褒後幅 御筆畫蘭一叢題云二人
同心其利斷金同心之言其臭如蘭

揮塵永使邊隅靖握策寧愁衆論撓軍檄已馳三捷喜宵衣
端慰 九重勞卽看人 覲依宮扇宛見披香侍 袞袍指
日紫光頒賞處 薰風和暢更頻叨

再和前韻呈定西將軍

天生名世領羣豪決策常符 睿算操文武勲名推吉甫中
和樂職媿王褒欣看羆虎爭騰奮坐視鯨鯢久屈撓計等用
棋工轉敗壘壘滿被挫後將軍至南路不數月卽破翁古爾
數日而 壘進掃美諾木果木潰後將軍至西路統兵再進
收饋拉 恩深挾纊共忘勞聲靈今已威離結燕喜將期解
戰袍聞說郊臺先築就懸知 湛露許同叨

醉後大雷雨醒而書所夢

向暮雨纖纖入夜雪簌簌先生草檄倦頭欲屏風觸何人肯
好事貺我芳醪綠三瓊纔入口一笑自捫腹青燈耿將殘黑

春風堂集卷十四
四
酣候而熟六丁知我醉風雷護狀足阿香搖不醒夢入瑤臺
曲橫空新宮銘金書眩巖谷生平長虹氣塵土困跼促遂乞
帝臺漿手控丹山鹿徑思拔鯨牙遠與鯤鵬逐釣天樂鴻網
香海波蹋蹴營魂忽驚回翰音早咿喔起眺上將星芒共長
庚屬雨工竟何歸想作羣羊牧

朱明府

祥

見示帳房詩頗工次韻

壁門羅列儼星塵數幅偏能護夜眠新製正同虛白室上層
遠稱蔚藍天棲鳥唬罷人初靜養蠶行時舍屢遷

山谷詩太常供帳養

武回憶帷宮旁設處屬車違侍已多年

卽事

紋紗宛似小窗扉斜倚烏龍羽檄稀西日欲烘殘雪盡東風
爭送亂雲歸夾河列戍開烽火

時北路官兵從宜喜而下沿河分列營壘

傍嶺新

軍擁纛旗

時陝西甘肅貴州兵六千餘新至

屈指凱歌應漸近歸鞍正拂柳

依依

六月十九日

山椒作雨山頭雪脚底驚雷山欲裂如墨濃雲潑面來電光
一線從中掣似同巨礮鬪神威却與昨朝前戰血西峯忽見
掩金烏東嶺猶看挂雌蜺飛電寧容雕鶚藏回廳半覺杉楮
折橫空積霧晦東西轉瞬嚴寒變炎熱天識詩人例選懦故
教絕景供饗餐直疑大壑起蛟螭俯視塵寰信蠓蟻黃昏開
霽月徐生隱約南箕仍翕舌

七月十六日雨

北風催雨雨催電颯沓緣坡萬顆俱絕似江鄉花港裏青荷
蓋上亂跳珠

虹影彎環雨脚橫黑雲如墨冒崢嶸河西轉見千峯翠兼有紅霞數縷明

老夫雪嶺三年過毳帳常披五月裘不耐者番秋暑劇愛看風雨作新秋

神鎗聲與殷雷接此景尋常未許同雨勢欲停雲影破半看清月上天東

聞蟬

萬古無人草樹荒蕭蕭作意報新涼數年不聽秋蟬語邊方如滇之老官屯永昌騰越蜀之達烏谷噶皆無蟬腸斷西風送夕陽

秋霞幻麗詩以賦之

赤日將落尙未落黑雲半天來電之陽烏迸迫光下射百道並列西南陞依稀睢渙漾絺繡恍惚錦水浮漣漪忽黃忽紅

鮮定態亦紫亦碧皆呈姿或如青鸞振厥羽或似赤鯁揚其鬣重輪重光詎足擬五采五色疇能施舉頭祇困目光暈遠眺彌覺心神怡當前妙景不可道善畫誰得窮豪釐晚霞江上已叫絕況在山家高屣屣或云夜半雷馱雨野田亢旱須淋漓或云秋暑尙饋熾炙背竊恐來晨曦或云此地邇佛土交光寶網由我喟我非保章稔天道但詫造化輸恢奇山靈知我行路苦迺獻絕景娛孤羈涼颺忽來散萬縷殘陽已覺臨崦嵫蒼蒼涼涼暝色起又見顧兔升雲達時十六日

九月十七日

秋樹青紅望不分數聲嗁鳥隔煙聞雨餘曉色真清絕半嶺初陽半嶺雲

再送徐同知袖東

觀海

歸任

羶衣茸帽結行裝話別東歸淚數行邊騎嘶風真慷慨賓鴻
咽雨助淒涼試看華髮人將老遙指蒼溪路正長差喜經年
勞勩後官齋清暇樂秋光

番人獻一禽高三尺餘長二之一其翎白與澹紅澹
綠相間體輕而毛細或曰此鸞也飼之米不食數日
而殞

依稀五色似歸昌風調倚然淺澹妝可是玉壺人世少又隨
蕭史上瑤闈

春融堂集卷十四終

春融堂集卷十五

青浦 王昶 德甫

杏花春雨書齋集

丁酉 丙申

克塽喇依即喇賊巢獻俘奏凱紀事

四面雄師喙走難蕞藜桂柱巨層巒芻糧已竭山泉斷礮石
頻摧窟室殘尺組羣看擒頤利稟街定擬斬樓蘭餘黎仍俾
安耕鑿始識 天朝雨露寬

列營清曉振鳴鼉無復烽煙遶澗阿旗幟連雲歸翰墨時
金川戰圖并說以進笳籥動地演饒歌石碣剉煨耕鋤便鐵索安閒襁
負多七十二番通衛藏蕩平從此戢干戈

捷書夜奏 未央宮錫爵酌勳禮數隆五色蟠龍紅抱日雙
翎孔雀翠迎風篚篚絡繹馳中使 綸綍輝煌冊上公一德

君臣承 廟算斷金洵與畫蘭同

分起貔貅振旅旋維關瓦寺仲春天魚龍十隊供宵戲雞犬
千村盡晝眠柳浪初晴聞鼓角麥風乍暖拂橐韃須知忠勇
邀天佑吉語還徵大有年

是日得 批蜀中二冬清蔥春收
豐稔摺奉 旨是皆汝等忠勇所

也致

汝川道中望青城山

名山天下共有八五在中夏三蠻荒岬山東來走千里青城
特起峯巒長五岳丈人帝所命衡恆泰華相低昂靈峯六六
洞八十高臺太乙疇能詳羣尊來朝歛隱見端冕指笏繇瑤
閭形幢絳節互出沒雲裾霞珮時翱翔神靈來去莫究詰但
見簾泉百道飛山陽昔讀洞天福地記夢中每欲驂鸞風天
彭井絡豈易到側身西跂徒徬徨往年領軍曾過此向見突

兀摩穹蒼其時元冥方屆節風雨冰雪嗟其勇千巖萬壑勢
難越安得躡躡還褰裳仙靈撫掌應笑我凡情俗骨難飛揚
方今西師已大捷橐弓捲甲歸龍驤雷霆遠震懾烏許雨露
旁暨通狼臙回軍還過是山麓青雲千呂升初陽飛樓連樹
宛可觀貞松古檜遙成行惟緣 郊勞屆期日豈敢跋涉窮
仙鄉我聞長生此修道千人輕舉朝虛皇闈風元圃絕塵世
方壺圓嶠迴重洋仙人吹笛跨黃鶴老子攜杖驅青羊彼多
遇也此入境悔不雀躍從雲鏘徘徊申旦不能寐起視丹火
森光芒

天晴時山中夜間常有火
影上人云此丹鑪火也

吳學使冲之杜方伯凝臺 玉林 曹員外秋漁 楊刺

史笠湖餞別松茂官舍并懷恂叔

松州高館綺筵張凱樂聲喧奏白狼 中禁昔同裁鳳詔 謂

之大羅憶共詠霓裳謂疑臺依依雪後攀村柳冉冉花開戀海棠回首升菴人更遠恂叔時奉檄在相思夢繞碧雞坊

發成都

高牙大纛捲雲蜺正值春晴驛路泥萬隊軍裝紅鞞韜千山
凱唱白銅鞮浣花婦女歡清宴錦水賓朋惜解攜從此秦關
兼蜀棧回鞭尚指劔鋒西

過梓潼文昌宮

九曲神靈異千秋祀典詳人間尊孝友天上煥文章映月寒
無暈穿雲夜有芒端宜偕吉甫豈合夢姚萇陰隲殊堪信科
名莫易量化書存法解司命慎行藏際此蠻氛定徐看德教
彰揭來斜照裏稽首薦馨香

謁諸葛忠武侯祠

玉座靈旗閱殿開綸巾羽扇見清裁早籌炎漢三分業寧媿
當塗十倍才八百洙桑傳世澤二千尺柏蔭香臺錦官舊蹟
都銷歇還有遺民涕淚哀

劔關

昨宿昭化縣今過大劔山關門據梁益其頂齊雲煙色黯積
鏐鐵峯銳倅戈鋌西排踰百里猿鳥愁騰鸞其東臨大壑壁
立窮洄淵櫛森松栝暗慘澹蛟螭蟠石欹危緣足徑仄愁摩
肩一夫苟荷戟萬眾嗟重趺所以張孟陽勒銘發悲歎茲來
太平久阨塞齊雕鐫弓刀聽戛擊鼓角聞喧闐旌旗出復沒
躍馬皆安便寄語奸雄輩慎勿思泥丸

寧羌州

寧羌隘而瘠其地實要衝南為巴蜀道北行入秦中其西接

春風堂集卷十五
漢河山勢爭龍從秦楚既互據劉曹亦交攻地利苟不悉何
以成霸功我來憩傳舍日昃輪微紅洗兵雨又至黑霧連長
空偶聞虎豹嘯恐有魍魎逢荆榛冑門戶沙礫堆牆墉自古
鏖戰地怪變何能窮須臾風霾盡新月懸高松俯仰念豪傑
豁達開心胸

定軍山望諸葛忠武侯墓

山水盤高塚風雲相霸圖臥龍神尚在石馬夜常趨一德追
伊呂三分限魏吳英雄千古恨霑灑遍蒼蕪

漢中

雍益千里餘南鄭扼孔道煙雲雜明晦岡嶺更環抱櫛比聯
市鄜崇墉富稔稻厥土多膏腴收穫免旱澇瞻財而厲兵雲
雷應天造非惟制三秦兼可抗八表龍準先開基豫州承大

寶堂堂諸葛公威靈中義討統兵向洛陽河朔定風埽志大
未逢時將星貫穹昊千秋王霸人憑弔心如擣我從金牛來
中原睇韓趙地險真可恃胡然任雲擾乃知遇庸臣關輔遂
難保茲行際春和風日喜晴曉懷古亦奚爲臨風散憂悄

鳳嶺

早度柴關危晚見鳳嶺曠雲山奇不了到眼但悲壯松偃蛟
龍形石拏虎豹狀商洛渺人煙褒斜屹屏嶂一髮瞰中原坤
輿信浩蕩我聞周籙興鸞鳳此引吭梧桐亦葦萋卜年兆無
量今茲慶又安烽煙息邊障歸昌行婆婆雖啣發高唱

過畫眉關戲作

閣道春深日影遲珍禽處處轉花枝喚將傳檄飛書筆歸向
章臺學畫眉

鳳州

薑芽不見手纖纖新酒微酸又半甜只有城南數株柳柔黃
淺綠颺茅檐

馬嵬驛楊貴妃墓

蓬萊雲海久茫茫剩有靈祠對夕陽四壁遺詩鐫石墨知縣顧聲
雷集唐宋詩刻嵌於壁千秋過客弔香囊驪山賜浴承恩渥劔閣聞鈴
飲恨長休說一抔紅粉墓古今從此鑒興亡

行至西安秋帆撫軍合樂留飲卽席四首

十隊旌旗映日紅凱歌聲裏笑言同轉輸久已侔蕭相籌畫
尤能贊晉公陝西爲人川要道君運驢匹衣裝相繼不絕又常以書陳攻勦之策甚詳星隕櫬槍
綏井絡地安畊鑿徧河潼愧無典午如椽筆未勒豐珉記鉅
功

高牙大纛啟華筵正值和風旭日天誅蕩嚴關開百二驍騰

禁旅過三千時索倫秦晉之兵已撤萬餘隨侍將軍者三千名犒賞甚優明燈似月笳簫

壯旨酒如池角觝駢却憶碣門經百戰韓刀伏突見李臨映淮碑

囊鞬

香案仙班第一人十年填撫重三秦豐年久兆和甘應 溫

旨常叨 賚予頻賓館詞章珠履盛鈿車金粉畫奩新政成

清暇猶勤學著作琅函日日親

酒酣耳熱氣飛揚摻袂題襟樂未央況值三春逢舊雨時袁侍郎

東在谷巖侍讀休嗟兩鬢點新霜參旗映月更籌轉華嶽臨河

驛路長抗手鳴鞭馳馬去桃林燈火已輝煌

渡河

九曲自崑崙龍門復孟門風雲連趙魏嶽瀆表乾坤兩戒神

功在千秋故道存 酈桑我不取端與孟堅論

曉行

曉出同戈驛 金盆落月低 鈴高邊馬疾 弓響怪禽啼 得雨桑陰密 翻風麥穗齊 回瞻蘆筍色 已在亂雲西

鎮定道中

蓐食纔收見早曦 恆山晉水路透池 喜聞驛馬嘶 風去正值林鳩喚 雨時戍卒鳴笳 開道路村僮 攘袂指旌旗 八年不見晴光好 菜蕪桃花滿路歧

抵良鄉

上命誠親王 大學士舒公 賜將士飯恭

紀

袞衣繡黼示 恩綸絡繹 天廚賜八珍 滅竈頻年驚蓐食 傳餐此日飫芳醇 壺漿簞食遐方靖 玉膾金齏 巽命申近

望五雲同稽首 投醪久已沐 深仁

二十七日

聖駕幸黃新莊行郊勞禮奉

命

戎服入預鉅典翌日 賜宴紫光閣賞朝珠文綺銀幣等物紀恩四言詩一百六十韻

柔兆浞灘月實沈次吉日乙丑長蕪昌熾薰風徐來晴暘初霽兩金川平萬方和會 詔令班師策勳飲至崇功懋賞稠

頌疊賜橐弓衅戈往典罔替捷書所傳德音所示率土騰歡山陬海澨以上總序洪惟 聖朝憲天出治悉主悉臣暨于奕

世雨露以仁雷霆以義同軌同倫胥霑汪濊東踰嶠夷西迨月竈梯山航海獻琛受贄爰有么膺伏莽為崇渺若蟻蠊碎猶螻蟻厥號促浸僭拉為比居河之麋妄思吞噬往覘跳跟歲在己巳元臣上將是伐是肆厥角稽首蘄留其類飛章入

告 詔從寬大

以上序乾隆己巳年大學士傳 恆進剿金川郎卡受款撤兵

垂三十春微

髻迄又豺狼貙貔逆種相繼血人于牙遂踵兇悖曷吏以聞

乞加誅殪 帝曰徐之母勞烽燧 命九土司各簡精銳

糜蠻攻蠻奔走自斃首鼠游移兩端疑貳績用弗成妖氛益

厲戕莠克什雜谷驚悸封豕長蛇洊食是恣 帝曰咈哉

是奚可賞非張六師曷讐四裔特 命騰衝移師往刈 時溫

治兵騰衝為 征緬之舉 申 命司農 謂戶部侍郎桂林 有虔載旆豈虞阨塞潛

竄魑魅毒懷辛螫狡甚墜屎墨隴夜燔木果晚潰虞殞空悲

殺尸孰瘞羣情回惑疇決大計 以上序金川索諾木與小金

討失利 審計精詳默孚天意言念重臣公忠篤摯曩在

西陲羌胡懷畏仍 命統師總率羣帥金印煌煌定西最貴

出諸 史宸用遵節制輔以虎臣羽林宿衛再簡雄驍索倫

曠騎配以京營雲梯火器梅鍼攢巴 火鎗名 益以武械分道太

行循于河渭秦關蜀棧旌旄綵繚投石超距羣材奮勵 以上

詔令再舉進剿 惟茲梁益萬山鈎帶逮五印度攢青湧翠上拂天根

下紐地肺如鵬張翼如鼇露背或剡而飛或排而跂給訝詰

屈嗟峨幽曠藤蘿竄篠杉櫛蒙夔冬雷殷殷夏霰泥泥路仄

艱循巖虛凜墜崇碕崔嵬堅卡迤邐醜徒莘莘傍窺密伺火

鎗礮礮機石礮礮揚沙斷木竊撐螳臂熊羆萬千敢以身試

以上序兩金川地方險惡 將軍曰吁莫負英鷲聚米呈圖總攬全勢出奇

乘間九天九地先服美諾用紆忿懷三道進兵由噶爾始執

冰而渡操蝥而躋懸布而登緣縲而縋斷彼檣櫟聯跨阻隘

川流湯湯兩崖兵漚皮船截浪厥母先繫奔石同摧衝車齊

曳旣斷泉源兼窮糧糈梁折棟橈牆圯垣壞逋逃無門喘息

奚恃面縛輿櫬殼鯨擗踞連拘妻孥旋繫兄弟土官土目延

頸縲縛盡掃狡窟蔽我戎事以上序連克兩金川俘賊酋全

明駝宵馳甘泉曉遞 詔賜上公封同帶礪龍衮微卷平聲雀

翎雙綴白馬紫韁來于 上駟畫筵芳蘭斷金是契異數殊

恩 九霄霑被次及羣僚悉叨 寵施遷秩晉階庸獎勞勩

乃 勅禮官粵稽經誼樂游陳傳觀德唐志西師昔還儀炳

金匱郊勞鴻規有舉莫廢惟時 絲綸已播中外 蠲租

賜復輕徭薄稅并絡天彭旄鶉掃彗兩川蒙庥三秦送喜振

旅啟行分營別隊擲柳連陰蹙蹙岐穗細桃紅殷芳草綠賦

白狼朱鷺愷樂爭沸後舞前歌達于幽薊以上序行賞 宣

諭宗藩宰衡同萃載飭大官勞以酒馘進抵良鄉基如方罍

高臺崇壇焄赫雲際戎服衿衿儒冠棣棣穆穆皇皇 六飛

臨蒞七萃扶輪八能承蓋金鴉騰空祥輝布瑞寶燾霽皇于

以次植抱膝而前 天顏有睟樂作禮全笳簫鼓吹聚觀

駢闐徧及婦稚 翠華還宮刑官奏議獻俘 午門肆諸朝

市俾緬人觀魂驚魄碎迺 幸苑西金螯玉蟠太液池寬晴

波溶漚 紫光歸然丹青藻繪千步毬場向以策士上圖將

相凌煙之似褒鄂弓刀蕭曹劔佩戰績輿圖前徽具在用啟

長筵再宣 慈惠膳宰具匕饗人備食觴以清醪嘉以珍味

折俎蒸穀溢于鼎鼐修劔脯胖馥芬陳饋湛露彤弓宮懸分

寘翹部清音梨園仙籟拔河翹關示以瓊瑋度索懸幢侷以

疑駭耳目眩易樂此百戲娛娛漸畢重以 優賚奕奕琲珠

重重文筭舞蹈歡呼 皇仁霽霽仰見 廟謨運在清閤

謀斷乃成任專斯濟 帷幄折衝功成五歲上于 山

陵告于洙泗更攄 天文鴻章鉅製鏤鐫瓊玖負以鼉肩令
置軍屯用安耕耒歸馬放牛邊隅永賴凡此 宸猷昭示邊
吏漢收谷蠡唐擒頡利伊古準今莫能為儷以上序賜飯賜
食賜宴郊勞等
事臣本軫才典午攸寄據鞍磨盾偏長末藝忝在戎行夙知
覩記豈曰能文敢同崔蔡庸矢調言佐太史記

歸京師

九載年華等逝波循陔陟屺兩蹉跎入門砌已開紅藥轉徑
牆猶冒碧蘿香鼎茶爐仍帖妥書籤畫匣載摩挲喜心倒極
言難盡更愧慈親涕淚多

病瘍 蓋染細中瘴毒在雪山
不發至內地則發也

蠻服絲來瘴厲多戛鳩惡劣甚牂柯金城雖已隨充國土室
終疑困伏波炎暑何堪長就枕庸醫直恐致沈疴閑官不聽

蘭臺鼓

時已授鴻臚寺卿

已覺兼旬廢獻歌

孟秋時享齋宿鴻臚寺署

素商愴將臨炎氣午猶熾向晚入官廬微颺振涼吹維茲句
臚居羣藩所瞻視棟阿既崔巍几席亦周置古樹高拂牆雜
華下綴砌明晨值孟秋齋宿獲清閤 法駕蒐興桓肅 命
親藩莅昭事敢勿勤洗心詎遑寐少聞九門開旋覺六街沸
迢迢禁鐘嚴銀河亘天際

授通政司謝 恩赴熱河作

脫劔橐弓乍六旬拜 恩又復上征輪幾年不過盧龍塞仍
見青山面面勻

了髻臨秋色倍明單衫快馬又經行山林似亦知人意掃盡
陰雲與目成

白河繚繞更灤河斷汭荒灣雜樹多行傍塞垣三十曲石橋
莊外下滹沱

土竈茆檐晷正長風吹餅餌散餘香鄉村贏得兒童喜撲棗
爭梨又滿筐

鵲語稀聞絡緯多一鈎鮮月近明河居人豈解穿鍼節也有
香燈隱薜蘿

閒窗小簾覺微寒屢過無如此夕安最喜山泉秋更漲石缸
南去夜潺湲

塗中卽事

流火時方屆長羸氣尚融乞漿呼走隸說餅愛村童上市櫬
梨富登場黍稷豐披襟還小憩香滿棗花叢

三道梁喜見張舍人商言夜話

西南轉徙八年餘每荷瑤華訊起居顧我形容還潦倒喜君
意氣正軒渠詞章少擬三都賦校勘新研四庫書時君充文淵閣校理
自笑麤官多夙習相從尚欲攷蟲魚

原作

張 埴 商言

看月山梁山翠無月中相對話榮枯十年慈母雙行淚萬
里歸裝八陣圖名士縱橫能仗劍詩篇彊硬亦彎弧慰忠
祠記蒼茫在又爲知交一歎吁成都建慰忠祠蓋祀亡友趙升之程香巖諸君者述

庵撰碑記

八月初七日奉 命重赴 山莊進哨

新月弦將上清秋節近中安仁閒已久公幹體還冲南極星
杓麗西陲琛賚同重行瞻舊典振策躍青驄

永安園中 上親射鹿一發中之 命進

慈寧恭紀

其驚神臂應天功一矢兼收福祿崇乍見團圞開滿月旋聞
霹靂響生風菟苗自合通靈佑巧力俱全等化工 聖武

由來歸

聖孝朝馳珍膳達

璇宮

合圍後有鹿逸至金壇相國帳中繫以呈 獻膳房

特 賜雙眼花翎以誌嘉瑞

四山萬騎殷雷霆黃閣開帷對翠屏豈有射聲來虎帳竟同
折角出龍廷八珍絡繹增仙膳雙眼勻圓耀彩翎總與明良
添盛事好傳佳話玉堂聽相國時掌翰林院事

萬樹園陪蒙古王公 賜宴二十四韻

七萃從禽罷三驅振旅還蒼崖邊外路紅樹 苑中山 禁
籟霜初肅平臯草盡刪鷹絲看共解馬潼喜均頒 盛典徠

諸部

鴻慈洽大寰位分藩服坐行次侍臣班入 覲儀容

恪來王禮度嫺拜颺申振動周禮九拜有振動之拜 躡濟倍安閒角立

空拳奮凌虛巨索扳低昂神錯愕排蕩影漏爛緣縵奇爭炫

尋撞氣不孱祆神紅帙首姝女翠低鬟搏拊咸韶亞俳優旃

孟間明燈開歷落爆竹響連環晃朗龍鱗麗飛翔鶴步翾繁

星流碧漢大礮震重關燕飲寧辭醉徵歌祇自憫豆登歆苾

苾鼎鼎色斑斑綠蟻浮三爵銀蟾露半彎銜 恩原浹髓

飽 德更開顏香爇帷宮暖雲圍 御幄殷 龍光施北國

豹畧懾南蠻時遣緬人南歸 此日樊渠奏先時帶礪盼前年已封貝子貝勒王公

等 高呼 皇澤溥灑水比潺湲

進古北口

獵獵旌旗萬騎旋蒼崖紅樹夕陽邊寒求妙藥醫龜手飢入

行厨斫彘肩撲面尚驚風似翦當頭又見月如苾不知灤水緣何意嗚咽尤聞出塞泉

題清涼挹翠冊為周舍人

發春

作用二十五合二十

二韻

聞君卜幽居門對長干墦樹影罨孤亭苔痕上橫榻彎環翠幾棱昕夕煙霏合景色如此佳何事紅塵踏君本婣雅材七略心胸納校字火吹藜載書車用蠟佇睇籥雲姿致身宜省閣偶然繪江鄉溪山靜喧逐矧有六朝松閣世屢僧臘不攜古錦囊不挂鴟夸楹蕭條便高寄頗似梅花衲洵矣絕清虛於焉謝紛雜秦淮我夙經觀覽朋簪盍垓古敞平蕪湖澱渺歎欲依稀埽葉樓樓在清涼山寺中乘秋躡雙屐曩游已廿年從戎更鞞鞞勝境天一隅相望但嗚咽臨窗展此圖彈指繞三匝

良辰正深秋黃鞠照扉罽酒鐺既淋漓詩筆俄飄沓何日續前盟寺門趁飛鶴與君飲蛾綠清吟互相答

送李勉伯純之恩樂任

華陽黑水惟梁州滇池更越西南陬自此東行復千里猛摩者島非人儔漢宋以來未屬役元明稍稍通其球 本朝聲教迄禁昧生蠻漸已知耕耨黑糶白馬罷爭鬪蘆笙銅鼓銷戈矛種人究覺習尚異瘴母或作征途愁君也行年近六十捧檄萬里驅前騶東吳回望天一角羈宦詎免憂心妯酌君一杯勿紆軫牂柯我昨曾遨遊蒼山洱海窮驛遞金沙鐵壁參軍籌此中風景頗熟悉請以臆對君無訖銀生風俗醇不偷厥土赤埴恆倍收滿山紅殷開躑躅遍野黃落登麴麩煙邨日曉其驂篠平田雨足閒耕牛男能把鋤女能績賦稅本

薄輕誅求訟庭無人獄生草往往經歲虛呼囚碧羅之山煙
雲稠屏展環帶峯巒迢曩時蒙氏號南嶽禮與朱鳥同牲羞
杉木江水濃如油屈曲下注瀾滄流溪山左右帶畫堞足恣
幽討兼冥搜矧君詩名三十載十字重比珊瑚鉤蠻荒自古
乏清賞要藉翰墨垂千秋君今此去母夷猶登高作賦揚清
謳我有舊刻存巖幽子游昆明之近華浦大理之龍尾關永昌之易羅池皆有詩學使孫君令宜刻
于期君與我遙相酬

題畫冊二首

樹老鮮繁枝霜淨無留葉蕭條欲雪天野徑何人涉惟餘竹
墩莖疎陰互交接石丈更清癯雲根皴千疊兩君各耐寒與
世洗炎熱人間炙手徒對此神應懾誰爲絕俗者於茲幽賞
愜

寒山幾疊青遠水千重碧依依葭菼亂隱隱楓櫛積危堞出
層雲譙樓俯空磧誰人櫂扁舟遠檣垂楊驛頗似襄樊間我
舊曾于役何當如次山洄溪就魚麥

家敦初上舍復至都賦贈

九載重逢執手頻零丁身世共霑巾誰憐葛帳衝寒雪空見
麻衣染路塵抵掌笑譚驚再世鏤心詩句足千春時以新刊詩集見示代興他日須君等莫爲窮愁便損神

題申副憲笏山三分水二分竹圖

卜得幽居遠市塵疏池掃籜作因緣懸知生計無多許合配
城西第五泉
春色三分未足多濠梁清境比如何先生八九吞雲夢一任
人誇萬頃波

綠坡恰種千竿秀拂座欣披六月涼更葺三椽茅屋好十分
清蔭滿林塘

消寒小集分賦鄭湛若硯四十韻

湛若名露漁洋所謂海雪畸人死抱琴者也工諸
體書學使者以恭寬信敏惠發題湛若制藝五比
用大小篆八分行草分書之常亡命入廣西尋鬼
門舊蹟又爲猗女執兵符者雲緝孃書記歸撰赤
雅一編以紀其事家蓄藏真墨蹟又蓄二琴一曰
南風宋理宗宮中物一曰綠綺臺唐武德年製其
詩名嶠雅手自開雕甚工今硯長四寸六分寬二
寸有七鐫天風吹夜泉五字分書又湛若二字楷
書又明福洞主小印皆勒在左側

先生昔空居長物竟何有生平嗜陶泓再拜盟石友茲硯更
溫如嘉品實無耦材爲端溪良質乃下巖首朝洗暨夜吟十
年恆著手自賦從軍行西南共巡撤嶺雪高入雲江瘴濃于
酒草檄兼飛書羣蠻隨指喉萬里幸歸來堅貞共无咎安排
侶楮墨拂拭淨塵垢維時屆嘉平霜飈刮窗牖張鐙暮開筵
捧出陳座右其埋潤而栗其色蒼且黝天風吹夜泉五字等
蝌蚪曰明福洞主小印細堪剖坐客爭摩挲歎賞豈容口畸
人緬海雪滄桑遭不偶于書得藏真護惜倍瓊玖于琴得綠
綺鄭重踰圭卣與此寶成三勒銘志不朽巾笥互提攜蠻獫
伴奔走想當綴文時蛟龍動蚴蟉是硯亦浮筠六書別跟肘
既于游鬼門土伯雄血拇挾此硯與俱作書紀凶醜至其侍
雲緝侏儻遍林藪端惟寶硯功軍符列紛糾劫灰蕩南溟尼

運通陽九從容遂舍生浩氣拂星斗
守精靈本不沫冑使資覆瓿堅剛
與鳳唼眎此瞠乎後玉蟾如有知清淚定送
落月挂檉柳笑譚氣成虹感激曾堆阜祕同
公缶懸知餘澤存取用改或

元日

啟明光已耀東廊椽燭紅爐照
三點漏方長消寒臘酒開新釀稱體朝衫認舊香行至虎坊
橋漸近御街燈火更輝煌

初四曹太僕慕堂

學閱

紀曉嵐

明

曹竹虛

文植

兩

學士招同小集

頻年元夕渺天涯裘屨重來賞物華喜聽笙簫連爆竹更移

簾幕護梅花新詩共愛湘靈瑟

同人謂子楚中詩最佳

異事如乘博望

槎

蜀時閱征緬憑仗諸君蠲宿疾敢辭轟飲醉流霞

奉

命同大學士梁

國治

副都統博

清額

給事中

劉謹之

恭輯

大喪儀

思齊

徽德徧絃絃月馭風輿上九天

大禮森嚴

昭會典

新綸稠疊纂長編

鸞旗翠葆威儀肅桂酒蘭

肴

涕淚連

聖孝通微超萬古祇虞海墨盡難宣

良鄉道中

桑柘陰陰隔近村素車白馬比雲屯午前更灑疎疎雨似與

從平臣益淚痕

塵沙早已淨陂陀共炷名香候

輦過同此東風同此路不

知今日是清和

山村水郭路重重雨過前山斷靄濃知是招提皆禮佛白雲
峯外數聲鐘

仲夏送瑞應南歸四首

南風播時薰綠陰帶芳甸溽雨尚未行頗覺征塗便驅車犯
浮埃擊楫下高堰六年別故鄉雲山彌可戀深憐舊業凋豈
謂客游倦忍聞鈴馱聲抗手戒清旦
吾姊夙儉勤相夫數鹽米經營負郭田分析迨諸子何圖中
道亡寧堪訊天咫子又軫哀絃尚乏南山梓惟餘咏絮人差
能辯文史此恨與我同語次悲何已今歸過金閨良家禽可
委不煩雙白壁便足侍牀第提攜儻北來分宅真可以
嗟我別江鄉奄忽踰廿載容鬢竟全非艱危殊可駭菟裘旣
未營瀧岡寧有待吾聞諸禮經不葬服不改生平則古先念

此憂如瘴煩子省先塋松楸便埽灑插槿補樊籬編茆擇爽
塏庶備堂斧封事半功乃倍我趁鯉魚風一帆溯江海定能
乞
君恩朝絨暫容解

念昔從軍時萬里事征討苦留白髮親形影伴昏曉齒衰疾
病多勢失過從少狐烏爭叫喧門戶焉可保感子自南來渭
陽情獨抱摒擋繕醫藥料理逮微渺芸帙免飄零萱幃藉安
好是誼寧可忘欲語淚傾倒今歸纔及期又聽驪歌繞別離
雖不長終覺心旌掉所期慎眠餐聊用慰悽悄

錢獻之

帖

徐尚之

書受

金振之

沖

胡元謹

量

張漢宣

形家敦初招同朱竹君陶然亭小集分得五言排律

二十四韻

趁暇呼朋熟尋幽得地高亭虛遙對堞水涸細通濠路隘才

容騎車低畧似舸回塘穿蘊薈枯樹聽蚋螿紺字凌千尺蒼

嵐映四遭披襟涼更爽摻袂喜斯陶洵美南都彥均推北地

豪謂竹君衣冠從灑落禮數謝繁囂旋設桃枝席徐斟竹葉醪

擣珍充鼎實佐豆潔溪毛投分情逾愜論文首重搔篆書宗

許慎珠典沂徐敖古義康成訓詞源正則騷質疑羣說具舉

要片言牢經術須前輩身名歎爾曹遷期鷲出谷和媿鶴鳴

臯絢彩丹山鳳扶輪碧澥鼈且俱窮蝨簡何事慨締袍一飽

風猶在三商日漸韜於焉娛放曠彌足浣塵勞雨氣濃鋪墨

雷聲殷伐磬蟾昏催舉燭騶闕促鳴鑣豈覺狂言怕終將樸

學操再期河朔飲重把蚶蛤臺時余復將觴諸君於此

家上舍冀川浩招同漢宣元謹小飲酒罷同過憫忠

寺

晚日松梢將落涼風牆角初生扶得酒邊殘醉小香臺畔微

行瘦權癩可舊識短李迂辛新知坐久長林欲暝空堂放梵聲

遲六月何當遠暑十年重訪前游不是香羅疊雪精藍深處如

秋缸萍已開十字籬菊才種千行絕勝開樽河朔浮槎小試流

觴

李撫軍右川湖惠湘蓮寄謝

瀟湘連洞庭青青徧蘭芷碧荏與香蘅幽芳散洲沚間以菡
萏花淩波渺雲水扁舟落其實良可佐服餌生平寡嗜欲膏
羶夙所鄙頗復愛芳蓮包茅來千里君如玉壺冰貞廉久自

矢同心辱餽遺不惜疑薏苡我今將歸吳土物亦清綺雉蕞
品最佳鱸膾味益美行將致一函庶幾等報李平

八月二十六日夜集鄭學齋送尚之赴鹽山聯句六

十四韻

合馘意未厭甫德分襟手先抗高齋劇清虛青浦徐薊詞客盡

侷募谷空懷駒維昭文吳蔚塗遠感驪唱聚散風搏沙嘉興

年經書去來塵掘塊契緣耦居殷復秀水王情用小別愴令序際

秋高鳥程張晴曦轉春盎露華綴金莖無錫楊芬霞彩豁蓬

閩涎涎武進徐書淒淒菴語嘗荷衰香未銷甫德葦折

霰徐颺景物逼蕭森林蒼河山攬悲壯黃騰潞水波甫德碧剷鴈

門嶂霽久旱塗泥年書涼深絕炎炕選勝景彌佳初敦追歡神頗

王叢譚翦韓檠宣漢促坐列歐舫臭味逾蘭裳荔言溫挾同續

矧余本愚蠢尚入世豈冗長秀是江東推甫德美非城北讓舊

家鐵甕鄰林蒼新製玉臺貺慘綠雖少年甫德中黃等飛將一噴

真一醒年書十決還十盪摩霄鵬擘雲初敦橫海鯨跋浪門庭得

真傳宣漢臺閣有依樣賦疇西都賓裳荔碑考北海相問字喜春

容尚說經嘉硜伉文思聿湛深甫德志性乃慈諒棲鶴類乾篔

簷食林蒼幕侶張暢獨行眾所推甫德浮榮視猶儻會看簪吉征年書

寧復軫剝放應起曲江名初敦遂侍含元仗今春辭蘭陵宣漢上

計過督亢始至賃臯庶裳荔繼遷依釋藏時寓永崎士偕許渾

尚之謂經師服戴望謂錢步趨蛩後先甫德賡和禽頡頏名流

爭攬環林蒼上客互投狀論心恨已遲甫德識面慨非妄譚藝抗

其精年書道古敦所尚相期彼岸登初敦庶幾我軍張茲違鄴下

游宣漢聊作剡溪訪詎憂邁靡靡裳荔終覺情悵悵咄嗟煩官廚

尚忽卒辦祖帳劔童飭招邀甫德竈婢競摒擋瓊浮雀舌茶林蒼
壘撥松花釀蟹熟芼以薑甫德豚蒸濡用醬薑菹發宿儲年書餅
飲詫新剗銜杯笑正酣初敦投箸神忽迂襪被幸同攜漢宣時
行思借春糧誰見餉瑯環書百函甫德回首定恨恨青垂梨半林林蒼
尚勞勞獸走壙游目乍依依甫德回首定恨恨青垂梨半林林蒼
紅綻棗一桁縣僻夷邨墟甫德邑巖置亭障童山屹有稜年書占
井寒無漲旅程頓羸驂初敦甥館卸輕裝哦松訴合離漢宣咏絮
寄疇唱時尚之舅為鹽山佩萸席上分甫德鈴鞦籬邊傍時未
怨蹉跎尚趣方適閒曠鹿鳴芳訊傳甫德鯉躍層津上一舉快
先登林蒼三捷驚輩行土拭出龍泉甫德葉穿開虎韞銀榜著聲
華年書月燈展諧鬯還過白楮坊初敦再躡黑窰廠須傾榼三升
漢重著屐幾兩刻羽佇郢謳甫德斲輪待齊匠摳衣復升堂尚

毋畏俗人謗甫德

同人復集鄭學齋送獻之赴西安分得七言長律二

十韻

朔吹櫛慘木葉殘送君迢遞到長安劉蕢豈信文詞累君以策語
擯鮑照深愁道路難棘下遺經真歎抱淹中異本必親刊書
追絕業惟周史友結當塗悉仲桓每謂鹿鳴思野食屢羈鵬
翼望風搏中年陶寫原無藉下第情懷迥自寬抗手非同題
柱客折腰恥作寫書官來經薊子摩銅狄去指仙人捧露盤
古驛蒼蕪沙獵獵征途叢鞠影團團三千法界臨高蹠百二
關門擁急湍渤碣雲深行漸遠嶠函雨霽候初寒建牙東道
依賢主秋帆躡屐南樓接古歡來殷去軫遙看隨塞鴈分袂
詎免惜蜺蟠世親久已攀蘿薦交誼從來媿蕙蘭共泝微言

千載合別裁俗解百夫謹幸邀下榻同燈火未晒空堂剩積
莞卜夜再逢佳士聚開筵仍飽腐儒餐依微蟾欲沈弓影
膺烏將振羽翰勸學頻教師鄭服知人端在辨殷韓驪駒歌
罷重迴首含譽星芒拂馬鞍

禮緯下有賢人聚則含譽星明

秋林授經圖為同年韋慎占 謙恆題

九師遺訓久失傳先天河洛爭喧闐野文誰始始輔嗣專舉
人事為真詮兩漢遺法悉慙置猶出蕭艾芟芳荃後來幹材
益勦說率以臆對誇虛元卓哉資州功最鉅三十二氏相鈞
鍵鄭君爰辰契象緯孟喜卦氣隨衡璇旁通最數上虞奧升
降敢議慈明偏納音納甲亦偶及茹納萬派規其全坐令後
代汲古士先河尚得窮靈淵我昔從軍過莊道讀書臺圯叢
寒煙撫髀太息告牧守亟奉粟主供几筵春秋享祀幸匪懈

大書深刻青瑤鐫

資州有李鼎祚讀書臺辛卯冬予過其地因告之知州本著俾作主以耐于學宮并為文鐫諸石

豈能昌言紹絕業望古聊免心

憂情韋君崢嶸起上第鴻詞彩筆相新鮮螭坳鼇禁聲望偉
文昌華蓋光芒聯絡節衡才赴東海思用經訓為開先明湖
况復好山水步有酒舫家漁船鐘樓迴出紅樹杪藁子馱往
青溪邊講堂曉開槌大鼓子衿幾輩隨差肩六詩三禮姑舍
是首明義畫敷寒氈清言罪罪等屑玉精義袞袞同飛泉智
者忻喜愚者歎金筮刮目開蒙顓公餘清暇更課子小狐濡
尾俾無愆

君自題有句云小狐濡其尾戰兢斯无咎

歷城我亦舊游地曾記授館

資丹鉛圖書萬卷列左右有若蟬蝨紛旁穿端拜雜誦竟何
補僅與弟子排蹠筌流光一瞬已廿年却視斯卷情悠然褒
衣博帶當檻坐雛鳳以次借勤拳漢京經術重師法汝陽會

稽咸家傳矧君九世遞承受膝下陳義聞便便豈惟門風等
房杜定見行誼儕淵騫天人理象浩煙海古曰在昔稱先賢
折揚皇荇諒勿取陸澄有說期覃研

題潭州鐵佛寺塔柱文後

潭州志唐開元時衡岳降神舍鐵造佛兼以鑄塔乾

隆四十年梁階平中丞國治修寺工畢次及塏除舊

甃得鐵柱如幢貫塔中長丈有四尺圍尺有八寸上

刻觀察李思明皈依慈氏發願生內院文下刻陀羅

尼呪皆宋淳化元年進士董護書僧曰道崧工曰李

昇計字七百六十有奇完好可誦臬使梁幼循敦書

揚以遺余且屬作詩以記之

我聞阿逸多事蹟著梵夾生於日月燈兄弟並截業稽首師

妙光好游心不乏厥名志求名利養頗嗜因得唯識觀行
滿塵沙劫記次補佛處無生忍所攝現在兜率宮雷音振衰
荼人天百萬萬瓶拂繞千匝有願上生者彈指但一霎分處
內外院根器了不雜各各悟身塵紛紛謝夢麗坐待末教時
金輪起傾壓爾時閻浮提紹位更說法是以雞足山入定有
迦葉手持金伽黎萬仞閉巖闔而此震旦中投地累肩胛舍
生復受生三摩冀親習判官故自超清齋飽米汁不欲阿閼
居不欲蓮池涉願生天中天免卵胎化溼敬聞第一諦衣袂
天花裊惟大陀羅尼密因機最捷如昇天得枕如浮解獲楫
冀渡一切眾雕鏡照眉睫巍巍鐵佛寺轟以千塔年深半
傾欹已慮相輪塌中丞更新之傭夫佐鑿錡中標鐵柱尊稜
稜久尚插厥長尋六尺厥圍二九恰厥首蟠龍螭之而震鱗

甲剗剔蘇與落磨洗泥與燥字畫忽分明精鏐助光熠深觀
發願文血誓宛盟歆速求正等覺慈氏儼可接李昇爲鑄工
道崧乃老衲年紀宋淳化閱世六百臘其文七百餘字字妙
妥帖念彼觀音力鬼神盡震聾呵護永不刊覽者並懽洽登
登拓藤紙裝潢伴白氎懿與華嚴境樓閣何人躡善財昔南
詢仰睇見巾屨香雲華鬘雲莊嚴麗層疊普告善男子信此
勿呀呬我亦懷西方刻意修淨業無礙大悲心熏修愧周淡
五色爛金沙七重蔭簾押勝果諒不殊須彌容互納放筆爲
此詞海潮應歎歎

送錢上舍魯思

伯駒南歸

垂楊無復覆寒津欲覓將離尚隔春草草分衿增悵望紅亭
誰可贈行人

筆如臥虎更游龍共讓臨池八體工此去有人爭破滅長塗
莫歎客囊空

茸裘不敵五更霜鈴馱聲中整客裝幸有同人之謂尚相慰藉
茅檐土銜夜歌商

秋風瑁璫不堪論共逐征鴻返故邨今日送君歸獨後臨岐
銷盡未銷魂

題文衡山五柳歸來圖

後幅并錄
移居詩

陶公返柴桑高節著千古古來賢達流圖繪豈勝數是卷衡
山作林巒互容與橫橋接蘅臯清溪繞農圃從容扶杖回垂
柳拂眉嫵琴樽映簾櫳花芍散庭戶疇昔所植松青蒼歷風
雨相對歲月長足以貞出處從茲想高情不翅鸞鶴舉後錄
南村詩風流宛相語是畫并是詩生平性所許何期廿載餘

